

Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԲԵՐՈՅ

ՄԱՆԿԱՎԵՊԵՐ



ԹԱՐԴՄԱՆԵՑ

ՄԵՍՐՈՂ ՆՈՒՊԱՐԵԱՆ



2X

Թպագրութիւն „Ա. Բ Ե Խ.“

Կ. ՊՈԼԻՍ

1925

845

Պ-53

845
7-53

ՍՈՒՐԲ ՆԵՐՍԵՍ ՇՆՈՐՀԱԼԻ
ԳՐԱԴԱՐԱՆ

ST. NERSES SHNORHALI
LIBRARY
ARMENIAN PRELACY

15 FEB 2012
FEB 26 01
1
2

ԲԵՌՈՅԻ ՄԱԿԱՎԵՊԵՐ

ԹԱՐԳՄԱՆԵՑ

ՄԵՍՐՈՎ ՆՈՒՊԱՐԵԱՆ



ՀԱՐԵՒ, ՀՐԱՏԱՐԱԿՈՒԱՆ
Կ. ՊՈԼԻԱՆ ՊԱՇՈՒԼԻ
558 Փոստիկ, Աթանազու

Կ. ՊՈԼԻԱՆ

1925

22.07.2013

1888

ՅԱԹԱՎԵՐԱՆ

Բեռոյի Մանկավեպեր հոչակ ունին Յրանական մասնագրութեան մէջ իրեւ սղոց միտք զուարեացնելու յարմար սիրուն պատմութիւններ : Զկայ Հանրագիտական Բառարան մը՝ ամենէն համառօսն անգամ՝ որ դրուատեօֆ չիթէ Բեռոյի անունը իրեւ ճարտար հեղինակ այդ Մանկավեպերուն՝ որոնք անմահացուցած են իր անունը : Բեռոյի Մանկավեպերը նշուի զնահատելու համար մանկական հոգեբանութեան դիտակ ըլլալու և եւ սղու միտք փոխ առնելով կարդալու և զանոնք : Անոնց մէջ յիշուած անձերու անունները Յրանական բնբացիկ գրականութեան մէջ ընդունուած են ու կը գործածուին իրենց տրուած մասնաւոր դեւեռուն նշանակութեամբ : Քանի՛ բանի՛ բատերախաղեր, նուազախաղեր, դիւրախաղեր (féesries) յօրինուած ու ամենատեղ պատրաստութեամբ հանդիսադրուած են այն հանրածանօթ մանկավեպերուն նիման վրայ՝ նետքրելով ու զուարեացնելով չափահասներն անգամ :

Բեռոյի Մանկավեպերու բարգմանութեամբ կը կարծենի մինք ծառայութիւն մը մատուցած ըլլալ հայ մանկական ոշհարաւս գրականութեան : Հայ մանկտին ու մասնաւորապէս որբանցներու մէջ պատսպարուող մեր սիրուն որբերը անշուտ հանոյնով պիտի կարգան իրենց համար զուարեալի այս վիպակիները՝ պահ մը մոռնալով իրենց դժբախտութիւնը : Միեւնոյն ժամանակ ընթեցանութեան փափառնին ալ պիտի աւելնայ : Մասնաւորապէս այս նպատակով ահա կատառուած է այս բարգմանութիւնը ու այս բարի մտածումով բարի ու վեհանձն Հայորդին, հոգածու անխոնջ պատսպանը անտիական հիք որբերու, սահմանած է գործոյս սպագրութեան ծախքը՝ այն համաձայնութեամբ որ իր նուիրած զումարին արժեքը ներկայացնող Մանկավեպերու հատուններ Բարեգործականի տրամադրութեան տակ դրուին իր հովանաւորած որբերուն ձրիաբար բաժնուելու համար :



436 - 2012

Պատահիներու ընթերցանուրեան արժանի խիս օգտակար ու գեղեցիկ վեպ մը եւս — ԶՈՒԻՑԵՐՑԻ ՌՈՊԵՆՍՈՆՐ — բարգմանած ենք, եւ կը յուսանք որ մեծ սպառում գտնելու սահմանուած այս հետարքերական երկին համար հրատարակիչ մը պիտի գտնուի (*) : Յայտնի է քե միւս Ռոպէնսոնը — Ռոպէնսոն Քրիզոսն — երեք-չորս սպազրութիւն ունեցած է մեր մէջ : Թէ՛ Մանկավեպերը եւ քե՛ Զուիցերիացի Ռոպէնսոնը կրնան ըլլալ Կաղանդի յարմար նուերներ :

ՄԵՄՐՈՊ ՆՈՒՊԱՐԵԱՆ

1925, Մարտի




(*) Կը փութանք յայտարարել քէ մեծանուն Թարգմանչին այդ գործն ալ (ԶՈՒԻՑԵՐՑԻ ՌՈՊԵՆՍՈՆՐ) հրատարակելու հոգը ստանձնած ենք, եւ ներկայ հատորին լոյս տեսնելեն անմիջապէս ետք, պիտի ձեռնարկենք անոր ալ սպազրութեան, ի վայելս ընթերցասէր ժողովուրդին :

«ԱՐԵՒ» ՀՐԱՏԱՐԱԿՉԱԿԱՆ



ԲԵՌՈՅԻ ՄԱՆԿԱՎԵՊԵՐ



ՊԶՏԻԿ ԿԱՐՄԻՐ - ԳԼԽԱՆՈՑԸ

LE PETIT CHAPERON ROUGE



ՏԵՆՈՔ գիւղացի աղջնակ մը կար, ա՛յնքան գեղեցիկ՝ ա՛յնքան գեղեցիկ՝ որ նմանը չէր գտնուեր . մայրիկը հոգի կուտար վրան, իսկ մեծ մայրիկը որ նոյնպէս չափազանց կը սիրէր զինք՝ կարմիր պղտիկ գլխանոց մը շինել տուած էր անոր համար : Այդ գլխանոցը անոր դէմքին ա՛յնքան կը վայլէր որ «Պղտիկ կարմիր - Գլխանոցը» անունը կուտային անոր : Օր մը մայրիկը տեսակ մը կիկ (սիմիր) շինած ըլլալով՝ ըսաւ Պղտիկ կարմիր - Գլխանոցին . «Գնա՛ նայէ ի՞նչպէս է մեծ մայրիկը, վասն զի հիւանդ է եղեր . այս կիկը տա՛ր իրեն ու նաեւ կարագի սա պղտի ամանը :» Պղտիկ կարմիր - Գլխանոցը անմիջապէս ճամբայ ելաւ մեծ մայրիկին երթալու՝ որ ուրիշ գիւղի մը մէջ կը բնակէր : Անտառէ մը անցածատենը, գայլ - աղբարին հանդիպե-

ցաւ՝ որուն սիրտն ուզեց բզքտել ու լափել խեղճ Պղտիկ Կարմիր - Գլխանոցը, այլ համարձակսթիւն չունեցաւ, ինչու որ մինակ չէր. փայտահատներ կը գտնուէին անտառին մէջ : Հարցուց անոր թէ ո՞ւր կ'երթար : Խեղճ աղջնակը որ գիտէր թէ գայլին մտիկ ընելու համար անտառին մէջ կենալը վտանգաւոր բան էր . «Մեծ մայրիկիս կ'երթամ, որ գիւղը կը բնակի, ըսաւ . մայրիկս կիկ մը ու կարագի պղտիկ ամանը տուաւ որ իրեն տանիմ : — Մեծ մայրիկդ հեռո՞ւ կը բնակի, հարցուց գայլը : — Այո՛, հեռու, ըսաւ Պղտիկ Կարմիր - Գլխանոցը . սա՛ վարը՝ վարը տեսնուած ջաղցքէն անդին, գիւղին առաջին տունը : — Էհ, ես ալ մեծ մայրիկը տեսնելու պէտի գամ . ես սա՛ ճամբայէն կ'երթամ, գուն ալ սա մէկալ ճամբայէն գնա՛ . տեսնենք մեղմէ ո՞վ աւելի առաջ կը հասնի :

Գայլը ամենէն կարճ ճամբէն վազեց գնաց շուտ, իսկ Պղտիկ Կարմիր - Գլխանոցը երկար ճամբան բռնեց, ու կը զուարճանար կաղին ժողվելով, թիթեռնիկներուն ետեւէն վազելով, ու հանդիպած ծաղիկները ժողվելով :

Գայլը անորմէ շատ առաջ մեծ մայրիկին տունը հասնելով՝ դուռը զարկաւ, թա՛ք, թա՛ք : «Ո՞վ է ան : — Քու թոռնիկդ Պղտիկ Կարմիր - Գլխանոցը, ըսաւ գայլը՝ ձայնը անոր ձայնին նմանցնելով . մայրիկը կիկ մը ու կարագի պղտիկ աման մը տուաւ որ քեզի բերեմ : » Մեծ մայրիկը որ քիչ մը հիւանդ ըլլալուն

պատճառաւ անկողին ինկած էր, ներսէն պոռաց. « Բութակը քաշէ՛, ու դուռը կը բացուի : » Գայլը բութակը քաշեց, ու դուռն է բացուեցաւ : Մէկէն ինկաւ պառաւին վրայ, ու վայրկեանի մը մէջ լափեց լմնցուց, վասն զի երեք օրէ ի վեր բան կերած չէր, ու՝ դուռը զոցելով գնաց մեծ մայրիկին անկողինը մտաւ՝ սպասելով Պղտիկ Կարմիր - Գլխանոցին՝ որ պահիկէ մը եկաւ դուռը զարկաւ . թա՛ք, թա՛ք, « Ո՞վ է ան : » Պղտիկ Կարմիր - Գլխանոցը, գայլին հաստ ձայնը լաելով, առաջ վախցաւ, բայց՝ կարծելով թէ մեծ - մայրիկը հարբուխ ունի ու ձայնը այդպէս փոխուեր էր՝ պատասխանեց . « Թոռդ կարմիր պղտիկ Գլխանոցը քեզի կիկ մը ու կարագի պղտիկ աման մը կը բերէ . մայրիկը տուաւ որ քեզի յանձնեմ : » Գայլը՝ ձայնը քիչ մը կակուղցնելով՝ պոռաց . « Բութակը քաշէ՛ ու դուռը կը բացուի : » Պղտիկ Կարմիր - Գլխանոցը բութակը քաշեց ու դուռն է բացուեցաւ : Գայլը անկողինին մէջ վերմակին տակ ծածկուելով ըսաւ . « Կիկն ու կարագի պղտիկ ամանը հացի սնտուկին մէջ դի՛ր ու եկուր պառկէ մեծ մայրիկիդ հետ : » Պղտիկ Կարմիր - Գլխանոցը կը հանուի ու անկողին մը տնելով՝ կը զարմանայ թէ հանուած վիճակի մէջ ինչ տեսակ մարմին ունի եղեր մեծ մայրիկը, ու կ'ըսէ . « Մեծ - մայրիկ, թեւերդ ո՞րչափ երկայն են եղեր : — Երկայն են որ քեզի աւելի աղէկ փաթթուիմ, աղջիկս : — Մեծ - Մայրիկ, ո՞րչափ երկայն ճիւեր ունիս եղեր : — Երկայն

Ճիւեր ունիմ, աւելի աղէկ վազելու համար, աղջիկս : — Մեծ-մայրիկ, այդ որքան երկար են ականջներդ : — Երկար են՝ աւելի աղէկ լսելու համար, զաւակս : — Մեծ-Մայրիկ, որքան խոշոր են աչքերդ : — Քեզ աւելի աղէկ տեսնելու համար, հոգիս : — Մեծ-Մայրիկ, ակռաներդ որքան երկար են : — Զքեզ ուտելու համար, արեւուդ մեռնիմ» : Ու այսպէս ըսելով չար-գայլը խեղճ Պղտիկ Կարմիր-Գլխանոցին վրայ նետուեցաւ ու կերաւ լափեց զայնքանի մը վայրկեանի մէջ : Ա՛լ Պղտիկ Կարմիր-Գլխանոց չկայ . . . :



ՊԱՐԻԿՆԵՐԸ (*)

Ատենօք որբեւարի կին մը կար որ երկու աղջիկ ունէր. առջինեկը թէ՛ գէմքով, և թէ բնութեամբ այնքան կը նմանէր մայրիկին որ զինքը տեսնողը մայրիկը տեսած կ'ըլլար . երկուքն ալ այնքան գէշ բնութիւն ունէին ու այնքան հպարտ էին՝ որ անոնց հետ ապրիլ կարելի բան չէր : Պղտիկ աղջիկը որ հեզութեան ու ազնուութեան մասին ճիշդ հօրը պատկերն էր, միեւնոյն ժամանակ սքանչելի զեղեցկութիւն մ'ունէր : Որովհետեւ բնական կերպով մարդ իր նմանը կը սիրէ, այդ գէշ բնութեամբ մայրը խելքը կը թոցնէր առջինեկին վրայ, իսկ պղտիկին հետ սաստիկ հակառակութիւն ունէր, շարունակ կ'աշխատցնէր ու կերակուրը խոհանոցին մէջ կը դնէր որ ուտէ :

Ամէն պարտաւորութիւններու մէջ այդ խեղճ աղջիկը պէտք էր օրը երկու անգամ կէս-մղոն հեռու տեղէ մը երթար թակոյկով մը ջուր բերէր : Օր մը որ դարձեալ աղբիւրին առջեւ կը գտնուէր, խեղճ կին մը իրեն մօտենալով ջուր ուզեց որ խմէ : — «Սիր՝ մայրիկ», ըսաւ այդ աղուոր աղջիկը, ու շուտ մը թակոյկը ցօղուելով, աղբիւրին ամենէն մաքուր կողմէն ջուրը առաւ ու

(*) Յր. ֆէ զերբնական ոյժ ունեցող երեւակայական էակ. տնկ. վիրի, հայերէն «ըղձանոյշ» ալ նօանակուած է ֆրանսահայ նոր բառարաններու մէջ :

թակոյկը վեր բռնելով՝ ներկայացուց այդ խեղճ կնոջ որ դիւրին մը խմէ :

Պառաւ կինը ջուրը խմելով՝ ըսաւ . «Այնքան աղուոր ես, այնքան բարի ու այնքան աղնիւ՝ որ սիրտս կ'ուզէ որ քեզի ձերք մը՝ կարողութիւն մը շնորհեմ :» (Այս կինը պարիկ մ'էր՝ գիւղացի խեղճ կնոջ մը կերպարանքն առած՝ որ տեսնէ թէ այդ աղջկան աղնուութիւնը մինչեւ ո՞ր աստիճան կը հասնի) : «Քեզի սա կարողութիւնը պիտի պարզեւեմ, աղջիկս, շարունակեց պարիկը, որ ամէն մէկ բառ արտասանելուդ, բերնէդ կամ ծաղիկ մը և կամ թանկագին քար մը իյնայ :»

Աղուոր աղջիկը տուն հասնելուն, մայրը յանդիմանեց զինքը թէ ինչո՞ւ այնքան ուշ դարձեր էր աղբիւրէն : «Ներէ՛, մայրիկ, այսքան ուշ գալուս .» ըսաւ խեղճ աղջիկը, ու խօսքերը խօսելուն, բերնէն թափեցան երկու փարդ, երկու մարզարարիտ ու երկու խոշոր աղամանդ : — Ի՞նչ բան է այս, ըսաւ մայրը շլմորած, կարծեմ թէ բերնէն թափածները մարզարիտներ ու աղամանդներ են : «Աղջիկս, ո՞ւրկէ գտար ասոնք :» (Առաջին անգամն էր որ իր աղջիկը կ'անուանէր զայն :) Խեղճը պարզօրէն պատմեց եղածը, ու միեւնոյն ժամանակ շատ մը աղամանդներ կը թափէին բերնէն : «Վայ, ըսաւ մայրը, ուրեմն աղջիկս զրկեմ այդ աղբիւրը . . . : Ինծի նայէ՛, ֆանշօն, տե՛ս թէ քոյրդ խօսած ժամանակը ինչե՞ր կը թափին բերնէն, դուն ալ չէի՞ր ուզեր

նալ այդ ձիրքը . աղբիւրը գնա՛ ջուր բերելու, ու երբ խեղճ կին մը ջուր ուզէ խմելու՝ քաղաքավար կերպով մը տո՛ւր իրեն : — Ի՞նչ աղուոր զործ, որ ելլեմ աղբիւր երթամ : — Կ'ուզե՛մ որ երթաս, կրկնեց մայրը, և հիմայ, շո՛ւտ :

Ֆանշօն գնաց աղբիւր, այլ միշտ մըմուլով : Տան մէջ գտնուած ամենէն գեղեցիկ արծաթ սրուակն առաւ : Աղբիւր հասնելո՞ւն պէս փառաւոր հագուած կին մը տեսաւ որ անտառէն ելած՝ եկաւ ջուր ուզեց իրմէ : Այն միեւնոյն պարիկն էր որ երեւցած էր իր քրոջ, այլ հիմայ իշխանուհիի մը ձեւով ու հագուստներով կ'երեւար, որպէս զի տեսնէ թէ այդ աղջկան անքաղաքավարութիւնը մինչեւ ո՞ր աստիճանները կը հասնէր : «Միթէ հոս եկեր եմ որ խմելու ջո՞ւր տամ ամէնուն, ըսաւ այդ անկիրթ գոռոզ աղջիկը . արծաթէ սրուակ մը բերեր եմ որպէս զի ջո՞ւր տամ քեզի . բերանդ աղբիւրին գի՞ր ու խմէ, — Դուն շնորհքով աղջիկ չես, յարեց պարիկը՝ առանց նեղանալու : Լա՛ւ, քանի որ այդ աստիճան անքաղաքավար մէկն ես՝ քեզի կուտամ սա՛ծիրքը՝ որ ամէն մէկ արտասանելուդ՝ մէյմէկ օձ կամ զորտ ելլէ բերնէդ :

Ֆոշօն տուն դառնալուն՝ մայրը երբ զինք տեսաւ . «Է՞ն, ի՞նչ լուր, աղջիկս » պոռաց : — Ի՞նչ լուր պիտի ըլլայ, պատասխանեց անշնորհ աղջիկը, ու բերնէն երկու իժ ու երկու զորտ դուրս թափեցան : — Տէ՛ր Աստուած, ի՞նչ

Է այդ, ի՞նչ կը տեսնեմ . . . : Պատճառը գետինն
անցնելիք քոյրն է . ևս կը ցուցնեմ անոր : » Եւ
իսկոյն վազեց որ լաւ ծեծ մը քաշէ : Խեղճ
աղջիկը փախաւ մօտակայ անտառը գնաց :
Թագաւորին տղան որսէ դառնալուն, հանդիպե-
ցաւ անոր, ու զեղեցկութիւնը տեսնելով հար-
ցուց թէ միսմինակը ի՞նչ կ'ընէր անտառին
մէջ և թէ ինչո՞ւ արցունք կը թափէր :
« Բաբէ, պարոն, մայրիկը զիս վանտեց տու-
նէն . . . » Թագաւորին տղան տեսնելով որ հինգ-
վեց մարդարիտ ու այնչափ ալ աղամանդներ
կ'ելեն բերնէն՝ հարցուց թէ ի՞նչ բան էր
այդ, « ո՞ւրկէ գտեր էր այդ շնորհքը : Աղջիկը
եղածը պատմեց : Թագաւորին տղան սիրահա-
րեցաւ անոր, ու մտածելով թէ այսպիսի գե-
ղեցիկ կարողութիւն մը շատ աւելի մեծ
արժէք ունէր քան ամէն ինչ որ աղջկան մը
ամուսնութեան առթիւ կրնար տրուիլ, իր
թագաւոր հօրը պալատը տարաւ զայն ու հետը
պսակուեցաւ : Իսկ անշնորհ քոյրը այն աստիճան
ատելի դարձաւ՝ որ նոյն իսկ իր մայրը զինք
վոնտեց տունէն, ու խեղճը՝ հոս հոն թափա-
ռելէ ետք՝ տեսնելով որ զինք ընդունող մը չի
գտնուիր՝ անտառի մը մէկ անկիւնը գնաց ու
մեռաւ հոն ողորմելի վիճակի մէջ :

Բ Ա Ր Ո Յ Ա Կ Ա Ն

Քաղաքավար, ազնիւ ըլլալ դիւրին բան չէ
Կամարար բարք, զոհողութիւն կը պահանջէ.
Սակայն կանուխ կամ ուժ կուտայ իր փոխարէն

Ու շատ անգամ անանիկ ատեն
Մ'որ իր մաքէն անգամ չանցնիր
Թէ լաւ վարձք մը պիտի զսնէ ընթացքն իր :

Ուկի, արծար
Ունին ոյժ շատ,

Սակայն անուշ խօսեն ունին աւելի ոյժ,
Ամէն ատեն անոնց արծէքը մեծ է յոյժ :



ԿԱՊՈՅՏ-ՄՈՐՈՒՔԸ

BARBE - BLEUE

Ատենօք մարդ մը կար որ թէ՛ քաղաքը ու թէ՛ զիւղը ունէր աղուոր աղուոր տուներ , ոսկիէ ու արծաթէ սեղանի սպասներ , ասեղնագործութիւններ , կարասիներ եւ ոսկեզօծ կառքեր : Բայց գժբախտաբար այդ մարդուն մօրուքը կապոյտ գոյն ունէր , ու այս բանը զինք աշխան աստիճան տգեղ կը ցուցնէր ու ահարկու՝ որ ամէն կին ու աղջիկ կը փախչէին իրմէ :

Իր գրացուհիներէն մէկը՝ որ մեծ ընտանիքէ էր , երկու խիստ գեղեցիկ աղջիկներ ունէր : Կապոյտ - Մօրուքն անոնցմէ մէկը կնութեան ուզեց , ընտրութիւնը մօրը թող տալով որ յարմար տեսածը տայ իբեն . սակայն այդ երկու աղջիկներէն ո՛չ մին ուզեց անոր կին ըլլալ . իրարու վրայ կը ձգէին՝ չկընալով յանձնառու ըլլալ որ կապոյտ մօրուք ունեցող մարդու մը հետ ամուսնանան : Իրենց խորշում առթող մէկ պատճառն ալ սա՛ էր որ շատ կիներու հետ կարգուած էր բայց գիտցող չկար թէ ի՞նչ եղած են այդ կիները :

Կապոյտ - Մօրուքը ծանօթութիւն կապելու համար , իրենց մօրը՝ երեք - չորս լաւագոյն բարեկամուհիներու և դրացի քանի մը երիտասարդներու հետ իր զիւղի տուներէն մէկը տարաւ զանոնք , ուր լման ութ օր մնացին :

Պայոյտներով , որսորդութեամբ , ձկնորսութեամբ , խնձոյքներով ու պարերով անցան այդ ութ օրերը . քուն ըսուած բանը չկար , ու բոլոր զիշերը խաղեր ու կատակներ ընելով կ'անցընէին : Այնքան լաւ գնաց ամէն բան՝ որ պղտիկ աղջկան աչքին անանկ երեւցաւ որ տանտէրը կապոյտ մօրուք չունէր ու նոյն իսկ շնորհքով մէկն էր : Քաղաք դառնալնուն պէս հարսնիքը կատարուեցաւ :

Ամիս մանցնելուն կապոյտ - Մօրուքն իր կնոջ ըսաւ թէ կարեւոր զործի մը համար գոնէ վեց շաբաթ գաւառ պիտի երթար : Կ'արտօնէր որ իր բացակայութեան միջոցին լաւ մը զուարձանար . իր բարեկամուհիները տուն հրաւիրէր , զանոնք զիւղ տանէր , եթէ կ'ուզէր , ու լաւ ուտէր խմէր : « Ահա՛ , ըսաւ , մարագին երկու մեծ պահարաններուն բանալիները . ահա՛ բանալիները սեղանի ոսկի ու արծաթ սպասներուն : Երկաթ արկղերու՝ ուր իմ ոսկի ու արծաթ զոյքերս կը գտնուին , նոյն պէս ահա՛ բանալիները արկղիկներուս՝ ուր գոհարեղէններս կը գտնուին , ու այն բանալին՝ որ ամէն յարկաբաժիններու դուռերը կը բանայ . իսկ սա՛ պղտիկ բանալին՝ վարի յարկաբաժնի մեծ ճեմելիքին ծայրի ներքնասենեակի բանալին է . ամէնը բաց , ամէն կողմ գնա՛ սակայն կ'արգիլեմ , չըլլայ թէ այդ պղտիկ ներքնասենեակը մտնես . եթէ երբեք բանաս զայն , ձիւն պիտի զայ զլիսուդ : » Տիկինը խոստացաւ որ անոր պատուէրը պիտի պահէ

խստիւ, ու կապոյտ-Մօրուք, կինը համբուրելէ ետք, կառք մտաւ ու գնաց իր ճամբորդութեան:

Դրացուհիներ ու բարեկամուհիներ հրաւէրի չսպասեցին նոր հարսին քով երթալու համար, քանզի ամէնքն ալ խիստ հետաքրքիր էին ճոխութիւնները տեսնելու անոր տան՝ ուր ամուսնոյն հոն գտնուած միջոցին չէին համարձակած երթալ, քանզի կապոյտ մօրուք ունէր, ու իրենք կը վախնային կապոյտ-Մօրուքէն:

Եւ ահա կը սկսին սենեակները, ներքնասենեակները, հանդերձանոցները աչքէ անցընել հետաքրքրութեամբ. անոնք մէկմէկէ աւելի գեղեցիկ էին ու ճոխ: Ետքը՝ կահերուպահարանները զննեցին ու զարմացան մնացին, տեսնելով թէ ո՞րքան և ո՞րքան գեղեցիկ սրահակներ, մահիճներ, նստարաններ, սեղաններ ու հայելիներ կային, մեծ հայելիներ՝ ուր մէկը ոտքէն մինչեւ գլուխը կրնար տեսնել ինքինք: Այս այցելուները իրենց բարեկամուհին երջանկութեան վրայ կը նախանձէին: Այդ բոլոր ճոխութիւնները իրենց բարեկամուհին աչքին չէին երեւար ընաւ. նա անհամբեր էր սա վարի յարկաբաժնի ներքնասենեակը բանալ ու տեսնել թէ արդեօք ի՞նչ կայ մէջը:

Այն աստիճան սաստկացաւ այդ հետաքրքրութիւնը՝ որ, առանց խորհելու թէ անքաղաքավարութիւն էր թողուլ բարեկամու-

հիներուն ընկերութիւնը: Ծառաներու սանդուղէն վար իջաւ, ու այնքան արտօրանքով որ՝ երկու անգամ քիչ մնաց որ խիստ գէշ կերպով իյնար: Ներքին սենեակին դրան առջեւ հասնելուն, պահ մը կանգ առաւ՝ միտքը բերելով ամուսնոյն դրած արգելքը ու մտածելով թէ իր անհնազանդութեան պատճառաւ կընար փորձանքի հանդիպիլ. սակայն այնքան մեծ էր փորձութիւնը՝ որ չկրցաւ դիմանալ ու պզտիկ բանալին առնելով՝ դողն ի դող բացաւ ներքնասենեակին դուռը:

Առջի բերան բան մը չտեսաւ, քանզի պահարանները գոց էին: Քիչ մը ետքը սկսաւ տեսնել թէ տախտակամածը լերդ կապած արիւնով թաթխուած էր բոլորովին՝ ուր, իբր հայելիի մէջ, մեռած շատ մը կիներու մարմինները կը տեսնուէին՝ պատին երկայնքը կապուած: Այն կիներն էին ասոնք՝ որոնց հետ «կապոյտ-Մօրուք» ամուսնանալով մեռցուցած էր իրարու ետեւէ: Խեղճը քիչ մնաց որ մեռնէր վախէն, ու ներքնասենեակին բանալին զոր փականքէն քաշած հանած էր, ձեռքէն ինկաւ գետին:

Առջի յուզումը անցնելուն, բանալին առաւ գետնէն, զոցեց դուռը, ու իր սենեակը ելաւ ինքինքը քիչ մը գտնելու համար, այլ այնքան մեծ էր յուզումը՝ որ ինքինքը չէր կըրնար գտնալ:

Տեսնելով որ ներքնասենեակի բանալիին վրայ արիւնի բիծ կայ, երկու-երեք անգամ Բեռոյի Մանկավեպեր

սրբեց, այլ արիւնը փակած կը մնար. շատ անգամ լուաց ու նոյն իսկ խճաքարի փոշիով շփեց, այլ ի զուր, արիւնը մնաց քանզի բանալին դիւթուած էր պարիկներէ, ու զայն մաքրելու ճարը չկար. մէկ կողմէ սրբուելուն՝ միւս կողմէն արիւնը նորէն կ'երեւար . . . :

«Կապոյտ Մօրուք» նոյն իրիկունը ետ դարձաւ. ըսաւ թէ ճամբան նամակներ ստացած էր որոնք կ'իմացնէին թէ այն գործը՝ որուն համար ճամբայ ելեր էր, վերջ գտած էր յաջողութեամբ ու թէ իր ճամբորդութեան պէտք չէր մնացած :

Կինը ամէն ջանք ի գործ դրաւ ամուսնոյն յայտնելու համար թէ խիստ ուրախացած էր անոր շուտով վերադառնալուն :

Միւս օրը «Կապոյտ Մօրուք» բանալիներն ուղեց. կինը յանձնեց զանոնք, այլ այնքան կը դողային ձեռքերը՝ որ «Կապոյտ Մօրուք» եղածը գուշակեց իսկոյն :

«Ներքնասենեակին բանալին ինչո՞ւ չկայ մէջը, հարցուց :

— Կ'երեւայ թէ վերը սեղանին վրայ մոոցեր եմ :

— Շուտ, գնա՛ բեր, ըսաւ «Կապոյտ - Մօրուք» :

Շատ ձգձելէ ետք, պէտք եղաւ բանալին բերել :

«Կապոյտ - Մօրուք» դիտելով զայն՝ ըսաւ իր կնոջը .

«Ինչո՞ւ արիւն կայ վրան : — Զեմ դիտեր,

պատասխանեց խեղճ կինը, երեսը դեփ-դեղին եղած : — Զե՞ս դիտեր, կրկնեց «Կապոյտ - Մօրուք», ես շատ աղէկ դիտեմ : Ուզեր ես ներքնասենեակը մտնել . խիստ լաւ . պիտի մտնես ու հոն տեսած կիներուդ քով քու տեղդ պիտի գտնես : »

Խեղճ կինը լալով ողբալով ամուսնոյն ոտքն ինկաւ ու կատարեալ զղջումի մը ամէն նշան-ներով ներում խնդրեց գործած անհնազան-դութեանը համար : Ժայռն անգամ տեսնելով այդ կնոջ վշտահար կերպարանքը՝ ի գութ պիտի շարժէր, այլ «Կապոյտ - Մօրուք» ի սիրտը ժայռէ աւելի կարծը էր : «Պիտի մեռնիս, տիկին, ըսաւ, և շուտով :

— Որովհետեւ պիտի մեռնիմ, պատասխանեց խեղճ կինը լալագին, քիչ մը ժամանակ տուր որ աղօթքս ընեմ Աստուծոյ :

— Քեզի կուտամ կէս-քառորդ ժամ, կըրկնեց «Կապոյտ - Մօրուք», այլ ոչ վայրկեան մը աւելի :

Տիկին «Կապոյտ - Մօրուք» առանձին մնալուն՝ կանչեց իր քոյրն ու ըսաւ . «Աննա՛ քուրիկ (վասն զի Աննա էր անունը), վերը աշտարակը ելի՛ր, ու տե՛ս թէ եղբայրներս կուզա՞ն : Խոստացած էին որ այսօր պիտի դային զիս տեսնելու . Եթէ հեռուանց տեսնես զանոնք, նշան ըրէ որ աճապարեն, շուտով զան » :

Աննա քուրիկն ելաւ, ու տառապեալ հէք կինը ատեն ատեն կը պոռար . «Աննա՛, քուրիկ Աննա, կը տեսնե՞ս, կուզա՞ն : » Ու Աննա

Քուրիկ կը պատասխանէր . «Արեւուն փոշին (*) ու խոտին կանաչութիւնը միայն , և ոչ ուրիշ բան : »

Նոյն միջոցին «Կապոյտ-Մօրուք» ձեռքը խոշոր դանակ մը առած՝ բոլոր ուժովը կը պոռար . «Շուտ , վա՛ր իջիր , եթէ ոչ ես կ'ելլեմ վեր : — Պահ մը եւս , կ'աղաչեմ , պատասխանեց խեղճ կինը :

Ու միեւնոյն ժամանակ կամացուկ մը կ պոռար . «Աննա՛ , քուրիկ Աննա , կը տեսնե՞ս , կուգա՞ն :

Ու քուրիկ Աննա կը պատասխանէր . «Արեւուն փոշին ու խոտին կանաչը կը տեսնեմ միայն , ո՛չ ուրիշ բան : »

«Ի՞նչ կը սպասես , իջի՛ր , կ'ըսեմ , պոռաց «Կապոյտ-Մօրուք , եթէ ոչ ես վեր կ'ելլեմ , — Հիմա՛յ , հիմա՛յ կ'իջնեմ» պատասխանեց հէք կինը , ու յետոյ կը պոռար . «Աննա՛ , քուրիկ Աննա , կը տեսնե՞ս , կուգա՞ն :

— Խոշոր փոշի մը կը տեսնեմ որ սա՛ կողմէն կուգայ , պատասխանեց քուրիկ Աննա :

— Եղբայրնե՞ս են արդեօք :

— Բարէ , ո՛չ , քուրիկ . ոչխարներու հօտ մը կը տեսնեմ . . . :

— Պիտի իջնա՞ս թէ ոչ , կը պոռար «Կապոյտ-Մօրուք» կատաղութեամբ :

— Հիմա՛յ , հիմա՛յ կ'իջնամ , պատասխանեց նորէն թշուառ կինը :

(*) Արեւու մեջ փոքիներ երեւալը :

Ու միեւնոյն ժամանակ կը պոռար . «Աննա՛ , քուրիկ Աննա , կը տեսնե՞ս , կուգա՞ն :

— Երկու ձիաւորներ կը տեսնամ որ մեր կողմը կուգան , բայց տակաւին շատ հեռու են :

— Օրհնեալ է Աստուած , պոռաց , եղբայրներս են :

— Իրենց նշան կ'ընեմ որ կրցածնուն չափ շուտ գան , ըսաւ քուրիկ Աննա :

«Կապոյտ-Մօրուք» այս անգամ անա՛նկ ուժով պոռաց՝ որ բոլոր տունը թնդաց տեղէն : Խեղճ կինը՝ մազերը թափած ու լալով վար իջաւ : — Այդ լացերը ստակ չեն ըներ , ըսաւ «Կապոյտ Մօրուք» . պիտի մեռնիս :

Ասոր վրայ մէկ ձեռքով մազերէն բռնած , ու միւս ձեռքով դանակը բարձրացուցած՝ գլուխը պիտի կտրէր լմացնէր : Խեղճ կինը անոր կողմը դառնալով ու նուաղկոտ աչքերով նայելով անոր՝ աղաչեց որ քանի մը վայրկեան շնորհէ իրեն որ միտքն ամփոփէ : «Ոչ , ո՛չ , ըսաւ «Կապոյտ-Մօրուք» , հոգիդ յանձնէ՛ Աստուծոյ . . . : » Ու թեւը բարձրացուց . . . : Այս պահուն գուռը անանկ ուժով մը զարկին որ «Կապոյտ-Մօրուք» կանգ առաւ : Դուռը բացուելով երկու ձիաւորներ ներս մտան և թուրը ձեռքերնին՝ շիտակ «Կապոյտ-Մօրուք»ին վրայ վազեցին :

«Կապուկ-Մօրուք» ճանչցաւ որ իր կնոջ եղբայրներն են , երկուքն ալ զինուորական , ու կեանքն ազատելու համար ուզեց փախչիլ , բայց երկու եղբայրները ետեւէն իյնալով՝ տան

դուռը չհասած՝ բռնեցին զինքը ու իրենց
թուրերը մարմնոյն մէջ մխելով անշունչ փռե-
ցին գետին :

Խեղճ կինը իր ամուսնոյն պէս մեռած էր
գրէթէ և ոյժ չունէր ոտք ելլելով իր եղբայր-
ներն համբուրելու :

Ու այնպէս պատահեցաւ որ «Կապոյտ Մօ-
րուք» ժառանգորդ չունենալով կինը անոր
բոլոր ինչքերուն տէր եղաւ : Անոնց մէկ մասը
գործածեց իր պատիկ քոյրը Աննան ամուսնա-
ցնելու ազնուական երիտասարդի մը հետ' որ
երկար ժամանակէ ի վեր կը սիրէր զայն . մէկ
ուրիշ մաս մ'ալ գործածեց իր երկու եղբայր-
ներուն հարիւրապետի պաշտօն առնելու . ինքն
ալ' մնացածով կարգուեցաւ խիստ շնորհքով
մէկու մը հետ' որ «Կապոյտ Մօրուք» ին հետ
անցուցած գէշ ժամանակը բոլորովին մոռցնել
տուաւ :

ԱՆՏԱՌԻՆ ՄԷԶ ՆԱԶՈՂ ԳԵՂՈՒՑԻՆ

LA BELLE AU BOIS DORMANT

Ատենօք թագաւոր ու թագուհի մը կար .
ասոնց սրտին մեծ ցաւ էր որ զաւակ չունէին :
Ամէն հանքաջուրերը գացին . ուխտագնացու-
թիւն , աղօթք , ամէն բան եղաւ , այլ սակայն
ո՛չ մէկ բան օգուտ ունեցաւ : Վերջապէս օրին
մէկը թագուհին յղի մնաց ու աղջիկ զաւակ մը
ծնաւ : Փառաւոր կնունք մը եղաւ . նորատի
իշխանուհիին կնքամայր տրուեցան երկրին
մէջ գտնուած բոլոր պարիկները . եօթը հատ
գտնուեցաւ որպէս զի անոնցմէ ամէն մէկը
անոր ձիրք մը՝ շնորհք մը պարզեւէ , ինչ-
պէս պարիկներու սովորութիւնն էր այն ժա-
մանակները , ու այդ կերպով իշխանուհին
ամէն երեւակյելի կատարելութիւնները ու-
նենայ իր վրայ :

Կնունքի արարողութենէն ետք բոլոր հան-
դիսականները թագաւորին պալատը գացին՝
ուր պարիկներուն համար խնճոյք մը պատ-
րաստուած էր : Անոնց ամէն մէկուն առջեւ
փառաւոր սպաս մը դրուեցաւ ձոյլ ոսկի պատ-
եանով մը՝ որու մէջ զուտ ոսկիէ դգալ մը ,
դանակ մը ու պատառաքաղ մը կը գտնուէր՝
աղամանդներով ու սուտակներով զարդար-
ուած : Բայց , այն պահուն որ ամէն մէկը սե-
ղանին վրայ իր տեղը կը նստէր , պառաւ վհուկ
մը յանկարծ ներս մտաւ : Ան հրաւիրուած չէր ,

Վասն զի յիսուն տարիէն աւելի էր որ աշտարակէ մը դուրս չէր ելած, ու այնպէս կը կարծուէր թէ մեռած կամ դիւթուած ըլլար : Թագաւորը հրամայեց որ սպաս մը դնեն անոր առջեւ, այլ ի՞նչպէս ուրիշներուն նման միաձոյլ ոսկիէ աման մը պիտի տրուէր անոր, քանի որ եօթը աման միայն պատրաստուած էր հրաւիրուած եօթ պարիկներուն համար : Պառաւը այնպէս կարծեց որ կ'արհամարհէին զինքը, ու բերնին տակէն սպառնալիքներ մրմուց : Իր քով նստող նորատի պարիկը լսեց անոր սպառնալիքները, և վախնալով որ չըլլայ թէ չարաշուք ձիրքով մը օժտէ իշխանուհին, սեղանէն ելլելուն պէս՝ գնաց վարագոյրին ետեւը պահուըտեցաւ, որպէս զի վերջին խօսողն ինք ըլլայ ու կարենայ հնարեղածին չափ առջեւն առնել պառաւին ընելիք չարիքին :

Նոյն միջոցին, պարիկները սկսան իրենց շնորհները պարզեւել իշխանուհիին : Անոնց մէջէն ամենէն երիտասարդը աշխարհի ամենէն աղուոր աղջիկը ըլլալու ձիրքը շնորհեց անոր . յաջորդը՝ սքանչելի հանճար մը . երրորդը՝ անման շնորհ մը իր ամէն բաներուն մէջ . չորրորդը՝ հիանալի կերպով պարելու ձիրք, հինգերորդը՝ սոխակի զմայլելի ձայն, վեցերորդը՝ ամէն տեսակ նուագարաններ հնչեցնելու ամենամեծ կարողութիւնը : Կարգը եկաւ պառաւպարիկին. անիկա գլուխը ճօճելով աւելի սրտնեղութենէ քան թէ ծերութենէ,

ըսաւ որ իշխանուհին օր մը իլով ձեռքը պիտի վիրաւորէր ու անկէ պիտի մեռնէր :

Բոլոր ընկերութիւնը դողաց այս գէշ գուշակութիւնը լսելով . չլացող չմնաց : Այս միջոցին նորատի պարիկը՝ վարագոյրին ետեւէն դուրս ելլելով՝ բարձր ձայնով սա՛ խօսքերն ըսաւ . « Թագաւոր ու թագուհի, հոգ մի՛ ընէք ամենեւին, աղջիկնիդ չպիտի մեռնի . իրաւ է թէ բաւական զօրութիւն չունի՛ իմ երէցիս ըրածը բոլորովին աւրելու, այլ ձեզի կ'ըսեմ թէ իշխանուհին իր ձեռքը պիտի վիրաւորէ իլով, բայց մեռնելու տեղ խորունկ քունի մը մէջ պիտի մտնէ՝ որ պիտի տեւէ հարիւր տարի. հարիւր տարի ետք, թագաւորի մը տղան պիտի երթայ արթնցնէ զինք : »

Թագաւորը՝ պառաւին սպառնացած դըժբախտութենէն իր նորածին աղջիկը զերծ պահելու համար, հրովարտակ մը հանեց՝ որ իլով մանելը կ'արգիլէր ամենուն . ո՛վ որ իլ մը պահէր իր տունը՝ մահով պիտի պատժուէր :

Տասնըհինգ-տասնըվեց տարի անցած էր, թագաւորն ու թագուհին, օր մը, իրենց զքօսական տուներէն մէկը գացած ըլլալով՝ պատհնեցաւ որ նորահաս իշխանուհին դղեակին մէջ վազվուտելով ու սենեակէ սենեակ երթալով, աշտարակի մը ծայրը ձեղնայարկի պղտիկ մէկ ընակարանը մտաւ, ուր պառաւ մը իր ըոքը (հօրէֆէ) կը մանէր : Այս պառաւը իլով մանելու մասին թագաւորին դրած արգելքէն տեղեկութիւն չունէր ամենեւին : « Ի՞նչ կ'ը-

նես հոդ , մեծ մայրիկ , հարցուց իշխանուհին ,
— կը մանեմ , աղջիկս , պատասխանեց պառաւը
որ զայն չէր ճանչնար : — Ո՞հ , այդ ո՞րքան գե-
ղեցիկ բան է , կրկնեց իշխանուհին , ի՞նչպէս
կ'ընես . ինձի տուր նայիմ , ես ալ կրնա՞մ
ընել : »

իլ ձեռքը առնելուն պէս՝ որովհետեւ
առանց խորհելու շարժող և վառվուռն աղջիկ
մ'էր , և ատկէ զատ՝ պարիկներու վճիռը այդ-
պէս կը տնօրինէր , ձեռքը վիրաւորեց ու
նուազած զետին ինկաւ :

Պառաւը շուարած : « Օգնութիւն » պոռաց :
Ամէն կողմէ վազեցին եկան , իշխանուհին
երեսին ջուր սրսկեցին , հազուստները թուլ-
ցուցին , ձեռքերուն շա'փ շափ զարկին , ոգիով
մը անոր քունքերը շփեցին , բայց օգուտ չու-
նեցաւ , իշխանուհին չէր արթննար :

Թագաւորը՝ որ ազմուկը լսելով վեր ելած
էր , յիշեց պարիկներուն գուշակութիւնը , ու
խորհելով թէ ճար չկար , այս բանը օր մը
պիտի պատահէր անշուշտ , (քանի որ պարիկ-
ներն այդպէս ըսած էին ,) պալատին ամենէն
գեղեցիկ յարկաբաժինին մէջ ոսկիով ու ար-
ծաթով բանուած մահիճի մը մէջ զնել տուաւ
իշխանուհին : Անիկա պառկած տեղը այնքան
գեղեցիկ կ'երեւար որ կարծես հրեշտակ մ'ըլ-
լար : Նուազած ըլլալուն պատճառով՝ կենդանի
գոյնը աւրուած չէր ամենեւին , այտերը վար-
դանման կարմիր էին . իսկ շրթունքները կար-
ծես բուստէ եղած ըլլային . աչքերը միայն

գոց էին . սակայն կամաց կամաց կ'առնէր
շունչը , որմէ կը տեսնուէր թէ չէր մեռած :

Թագաւորը հրամայեց որ թողուն զինքը
իր հանգիստ քունին մէջ , մինչեւ արթննա-
լու ժամը հասնէր : Այն բարի պարիկը որ աղ-
ջրկան կեանքը ազատած էր հարիւր տարի
քնանալու դատապարտելով , այս արկածը պա-
տահած ժամանակ տասներկու հազար մղոն
հեռու Մաթաքէնի թագաւորութեան մէջ կը
զտնուէր . այլ շուտով լուր առաւ թզուկի մը
միջոցաւ որ իր եօթը մղոննոց կօշիկները հա-
գած էր , այսինքն այնպիսի կօշիկներ՝ որոնց
օգնութեամբ ահազին քայլով մը եօթը մղոն
տեղ կը կտրէր : Պարիկը անմիջապէս ճամբայ
ելաւ , ու վիշապներէ քաշուած հրեղէն կառք մը
հեծնելով ժամուան մը մէջ եկաւ հասաւ : Թա-
գաւորը ձեռքը երկնցնելով օգնեց անոր կառ-
քէն իջնելուն : Պարիկը եղածներուն հաւնեցաւ ,
այլ որովհետեւ մեծ նախատեսութեամբ մը
օժտուած էր , խորհեցաւ որ իշխանուհին ար-
թընցած պահուն պիտի շուարէր մնար այդ
մեծ դղեակին մէջ ինքզինքը առանձին տես-
նելով , ու ահա թէ ի՞նչ ըրաւ : Թագաւոր ու թա-
գուհիէն զատ ամէնուն դպցուց իր մոգա-
կան զաւագանը . տնտեսուհի , պատուակալ
օրիորդ , սենեկապանուհի ; սեպուհ , սպայ ,
սեղանապետ , խոհակեր , խոհակերի մանչ , պա-
հապան , մանկալաւիկ , եւայլն : Գաւազանը դըպ-
ցուց նաեւ ախոռներու մէջ զտնուած բոլոր
ձիերուն , ձիապաններուն , պահապան շունե-

բուն ու իշխանուհին պղտիկ շնիկին որ անկողնին մէջ մօրը քով պառկած էր : Մոգական զաւազանի ազդեցութեան տակ, ատոնք ամէնքը քուն մտան և իրենց տիրուհին հետ միեւնոյն ժամանակ պիտի արթնային , որպէս զի պատրաստ ըլլան անոր ծառայելու, երբ պէտք ունենար : Կրակին վրայ գտնուած շամփուրներն անզամ՝ կաքաւներով ու փասեաններով լեցուն՝ նոյնպէս քուն մտան . կրակն իսկ քուն մտաւ . ու այս ամէնը վայրկեանի մը մէջ կատարուեցաւ , վասն զի պարիկները այսպէս շուտ գործ կը տեսնէին :

Այն ատեն թագաւորն ու թագուհին իրենց սիրասուն աղջիկը համբուրելէ ետք , որ միշտ քունի մէջ կը գտնուէր , դղեակէն ելան ու հրաման հանեցին որ մէկը չմօտենայ : Այդ հրամանին պէտք չկար , քանզի քառորդ ժամու մէջ , դարաստանին շուրջը այնչափ մեծ ու պղտիկ ծառեր , մօրենիներ ու իրարու մէջ շաղապատուած մացառներ մէջտեղ ելան յանկարծ . ո՛չ մարդ , ո՛չ անասուն կարելի բան չէր որ մէջէն անցնէին , այնպէս որ դղեակի աշտարակներուն վերի մասը կը տեսնուէր միայն , այն ալ խիստ հեռուներէն : Տարակոյս չկար որ պարիկը նորէն ճարպիկ խաղ մը խաղած էր , որպէս զի իշխանուհին իր երկարատեւ քունի միջոցին հետաքրքիրներէ վախ շունեցայ :

Հարիւր տարի վերջ , այն ժամանակի թագաւորին տղան՝ որ ննջող իշխանուհիէն տար-

բեր ընտանիքի մը կը պատկանէր , այդ կողմերը որսի ելած ըլլալով՝ հարցուց թէ ի՞նչ էին թանձրախիտ մեծ անտառի մը վերեւը տեսնուած այն աշտարակները : Ամէն մէկը իր լսածը կրկնեց . ոմանք կ'ըսէին թէ հին դըղեակ մ'էր այն՝ ուր ոգիներ կը յաճախէին , ուրիշներ՝ թէ երկրին վհուկները հոն իրենց գիշերային ժողովը կը կազմէին : Ամենէն աւելի տարածուած կարծիքը այն էր թէ դեւ (*) մը կը բնակէր հոն , ուր բոնած բոլոր տղաքը կը տանէր հանգիստ մը լափելու համար , վասն զի ինք միայն իշխանութիւն ունէր այդ անտառին մէջէն անցնելու , հետեւապէս ոչ մէկը պիտի կրնար գալ իր ետեւէն :

Իշխանը չէր գիտեր թէ այդ զրոյցներէն որո՞ւն պէտք էր հաւատ ընծայել , երբ ծեր գիւղացի մը այսպէս խօսեցաւ անոր . «Տէ՛ր իշխան , յիսուն տարիէ աւելի կայ , լսած եմ հօրմէս թէ այդ դղեակին մէջ սքանչելի զեղեցկութեամբ աղջիկ մը կայ՝ որու նմանը չէ տեսնուած . այդ աղջիկը հարիւր տարի քունի մը մէջ պիտի գտնուէր հոն , ու թագաւորի մը տղան պիտի արթնցնէր զինքը և իրեն կնութեան առնէր : »

(*) Մանկական Վեպերու անկոււս հակայ մը՝ պգտիկ տղաները ուսող : Հայ ժողոփուրդը Տէ՛վ անունը կուտայ անոր , որ յայտնապէս Դեւ բառի աղաւաղումն է . անկոււս ուսողի մը համար , նոյն իսկ «Տէկի պէս կ'ուտէ» կ'րսեն Մեր Թրանսահայ Բառարանի մէջ չենք մոռցած օգրեի առջեւ հեանակել այդ ժողովրդական բառը որ իր տեղի ունի : Ծ. Թ.

Այս խօսքերէն խանդավառեցաւ երիտասարդ իշխանը, ու միտքը դրաւ վախճան տալ այսպիսի սիրուն արկածի մը, և սէրէ ու փառքէ մղուած՝ որոշեց առանց ժամանակ կորսընցնելու երթալ հասկնալ թէ ի՞նչ էր բանը։ Հազիւ թէ յառաջացած էր դէպի անտառը՝ ահա այդ բոլոր ահագին ծառերը, այդ մորենիներն ու այդ մացառները ճամբայ բացին որ իրենց մէջէն անցնի։ Քալելով դէպի դղեակ, որ մեծ ծառուղիի մը ծայրը կը տեսնուէր, մտաւ ներս ու զարմացաւ տեսնելով որ իր մարդիկներէն ոչ մէկը չէր կրցած ընկերանալ իրեն, վասն զի ինք անցնելուն պէս ծառերը գոցուեր էին ետեւէն։ Ինք առանձին ճամբան շարունակեց սակայն։ Երիտասարդ ու սիրահար իշխան մը միշտ կտրիճ կ'ըլլայ։ Ընդարձակ նախագաւիթ մը մտաւ ուր տեսածը մարդուս սարսափ պատճառող բան մ'էր։ Սուկալի լոռութիւն մը կը տիրէր, մահուան պատկերը ամէն կողմ կը տարածուէր։ ամէն կողմ մարդերու ու կենդանիներու փռուած երկընցած մարմիններ կը տեսնուէին, որոնց ոչ մին կենդանութիւն չէր ցուցներ։ Սակայն դոնապաններու պտկած քիթերէն ու կարմրագոյն դէմքերէն հասկցաւ որ չէ թէ մեռած՝ այլ քունի մէջ էին և իրենց ըմպանակներէն՝ ուր տակաւին զինիի քանի մը կաթիլներ կ'երեւային, կը յայտնուէր որ խմած ատեննին քնացեր էին։

Մարմար յատակուած մեծ բակէ մը կ'անցնի,

վեր կ'ելէ սանդուղէն, պահակներու սենեակը կը մտնէ՝ որոնք հրացանը ուսերնին կարգաւշարուած էին բոլոր ուժով խորդալով։ Շատ մը սենեակներէ կ'անցնի՝ որոնք լեցուն էին պալատականներով ու տիկիններով, ամէնքն ալ քնացած, ոմանք ոտքի վրայ, ոմանք նըստած։ Ամէն կողմէ համակ ոսկեզօծ սենեակ մը մտան ու անկողնի մը վրայ որու վարագոյրները բաց էին, ամենագեղեցիկ տեսարան մը աչքին զարկաւ՝ որուն նմանը տեսնուած չէ երբէք. տասնըհինգ-տասնըվեց տարեկան իշխանուհի մը որու փողփողուն պայծառութիւնը լուսաշող երկնային երեւոյթ մ'ունէր։ Հիացած՝ մօտեցաւ դողդղալով և ծունը դրաւ անոր քով։

Այդ պահուն, որովհետեւ հմայքին վախճանն հասած էր, արթնցաւ իշխանուհին, ու անոյշ նայուածքով մը՝ զոր առաջին տեսութիւն մը կարծես ներելի չպիտի ըներ. «Դո՞ւք էք, իշխան, ըսաւ. երկա՛ր սպասեցի ձեզի։» Իշխանը հոգեզմայլ սխրանքի մէջ թէ՝ այս խօսքերէն ու թէ անոնց ըսուելու ձեւէն, չէր գիտեր ի՞նչպէս յայտնել իր խնդութիւնը ու երախտագէտ զգացմունքը. հաւաստեց անոր թէ իր անձէն իսկ աւելի կը սիրէր զինքը։ Անկապ էին իր խօսքերը ու անկապ ըլլալնուն համար աւելի հաճոյ անցան. անոնց մէջ քիչ ճարտասանութիւն ու շատ խանդավառութիւն կար։ Իշխանուհիէն աւելի շփոթած էր, և այդպէս ըլլալը զարմանալի չէր բնաւ. իշխա-

նուհին աւելի շատ ժամանակ ունեցած էր իր ըսելիք խօսքերուն վրայ մտածելու, քանզի անանկ կ'երեւայ (պատմութիւնը սակայն բան մը չ'ըսեր այս մասին) որ բարեսիրտ պարիկը իր երկարատեւ քունի միջոցին ախորժելի երազներու հաճոյքը հայթայթած էր անոր։ Վերջապէս, չորս ժամէ հետէ կը խօսէին անոնք, ու տակաւին իրենց ըսելիքներուն կէսը չէին ըսած։

Մինչ այս մինչ այն, բոլոր պալատը արթընցած էր իշխանուհիին հետ։ ամէնքն ալ իրենց պաշտօնը կատարելու հոգը ունէին, և որովհետեւ սիրահարական վիճակի մէջ չէին գտնուեր՝ սաստիկ կը նեղուէին նօթութենէ։ պատուադիր տիկինը ինքն ալ այդ բուռն պէտքի մէջ համբերութիւնը հատած՝ բարձրածայն ըսաւ իշխանուհիին թէ կերակուրը սեղանին վրայ պատրաստ կը սպասէր։ Իշխանը օգնեց իշխանուհիին որ ելլէ անկողնէն, քանզի փառաւոր հագուած պատրաստ վիճակի մէջ կը գտնուէր, այլ չըսաւ ամենեւին թէ հագուստները հինօրեայ ձեւ ունէին, թէպէտ ատոր հակառակ նա կը փայլէր միշտ ամենամեծ գեղեցկութեամբ։

Հայելազարդ սրահ մը երթալով ընթրեցին հոն։ սպասարկողները իշխանուհիին պաշտօնեաներն էին։ Զութակներն ու սրինգները հին կտորներ նուազեցին, որոնք թէպէտ վաղնջական՝ այլ գեղեցիկ էին միշտ, հարիւր տարիէ հետէ նուազուելէ դադրած ըլլալով

հանդերձ։ Ընթրիքէն ետք դրան աւագերէցը դղեազի մատուռին մէջ պսակեց զանոնք, ու պատուակալ տիկինը վարագոյրները քաշեց անոնց վրայէն։ Քիչ ժամանակ քնացաւ – իշխանուհին մեծ պէտք մը չէր զգար քունի – և իշխանը առտուն կանուխ բաժնուեցաւ անորմէ քաղաք դառնալու համար, ուր իր հայրը անշուշտ մտահոգ պէտք էր ըլլար իրեն համար։

Իշխանը ըսաւ հօրը թէ որսորդութեան միջոցին անտառին մէջ կորսուելով ածխագործի մը խրճիթին մէջ զիշերն անցուցեր էր, ուր ուտելու համար սեւ հաց ու պանիր տըրուած էր իրեն։ Թագաւոր - հայրը՝ որ պարզ մէկն էր, հաւտաց խօսքին, այլ իր մայրը չհաւտաց բնաւ, ու տեսնելով որ գրէթէ ամէն օր որսի կ'երթար ու երկու - երեք զիշեր գուրսը պառկելուն համար միշտ պատրուակ մը կը գտնէր, բնաւ տարակոյս չունեցաւ թէ բանին մէջ տարփանքի խնդիր մը պէտք էր ըլլար։ Իշխանը ամբողջ երկու տարիէ աւելի անցուց իշխանուհիին հետ, երկու զաւակի տէր եղաւ, որոնցմէ առաջինը որ աղջիկ մ'էր, Արշալոյս կոչուեցաւ, ու երկրորդը մանչ որ կոչուեցաւ Ա. Ռիփի, վասն զի քոյրէն ալ աւելի գեղեցիկ կ'երեւար։ Թագուհին իր տղուն բերնէն բան առնելու համար շատ անգամ ըսաւ անոր թէ աշխարհի մէջ մարդս միշտ գոհ ըլլաւ պէտք է, բայց իշխանը չհամարձակեցաւ իր գաղտնիքը հաղորդել անոր։ Թէպէտ կը սիրէր

Եր մայրը, այլ կը վախնար անորմէ, վասն զի դեւի ցեղէ էր, ու թագաւորը անոր մեծ հարբատութեանը պատճառաւ կարգուեր էր հետը։ Արքունիքին մէջ կը փսփսային անզամ որ դեւի հակամիտութիւններ ունէր ու պատիկ մանուկներ տեսած ատեն, անոնց վրայ չիյնալու համար մեծ դժուարութեամբ կը զսպէր ինքզինք, այս պատճառաւ չէր ուզեր բան մը յայտնել անոր։

Սակայն երկու տարի ետք, թագաւորը մեռնելուն՝ ինքզինք տէր և իշխան տեսնելով՝ հրապարակաւ յայտարարեց իր ամուսնութիւնը, ու մեծ հանդիսութեամբ գնաց թագուհին դղեակէն առաւ բերաւ, որուն փառաւոր ընդունելութիւն մ'եղաւ բոլոր պալատականներուն հետ մայրաքաղաք մտած ատեն։

Ժամանակ մը ետք, թագաւորը իրեն դրացի Քանդալապուդ կայսեր դէմ պատերազմի ելած ըլլալով՝ տէրութեան խնամակալութիւնը իր թագուհի - մօրը թողուց՝ ջերմապէս յանձնարարելով իր կինն ու զաւակները։ ինքը բոլոր ամառ պատերազմի մէջ պիտի գտնուէր։ Թագաւորը երթալուն պէս, մայր - թագուհին իր հարսը ու անոր զաւակները գիւղական տուն մը զրկեց անտառներուն մէջ, որպէս զի իր սոսկալի ցանկութեանը աւելի դիւրաւ գոհացում տայ։ Քանի մ'օր ետք ինքն ալ գնաց հոն, ու իրիկուն մը ըսաւ իր սեղանապետին։ «Վաղը առտու ճաշիս պզտիկ Արշալոյսը կ'ուզեմ ուտել։ — Ո՞հ, ի՞նչ կ'ըսէք, տի՛կին, ըսաւ սեղանապետը։ — Կ'ուզեմ, կը լսե՞ս, ըսաւ

թագուհին (ու մանկական միս ուտելու ցանկութիւն ունեցող դեւի մը ձեւով խօսեցաւ)։ Ռօպերդեան ընտիր թացանով (սալցա) կ'ուզեմ ուտել, կը լսե՞ս։»

Իյեղճ մարդը տեսնելով որ դեւը կատակի չէր դար, իր խոշոր դանակը առնելով պզտիկ Արշալոյսին սենեակը ելաւ որ չորս տարեկան էր այն ժամանակ։ Պզտիկ Արշալոյս պոռալով ցատկելով անոր վզին փաթթուեցաւ ու հարցուց թէ շաքար բերա՞ծ էր իրեն։ Սեղանապետին լացը եկաւ, դանակը ինկաւ ձեռքէն ու վար իջնալով գնաց գառնուկ մը մորթեց ու այնչափ ընտիր թացան մը շինեց՝ որ թագուհին ըսաւ թէ ասանկ համով բան կերած չէր երբէք։ Սեղանապետը պզտիկ Արշալոյսը առնելով իր կնոջ տարած էր, որպէս զի վարը պահէ զանի։

Ութ օր ետք, այդ չար թագուհին ըսաւ սեղանապետին։ «Ընթրիքիս կ'ուզեմ պզտիկ Արփին ուտել։» Սեղանապետը պատասխան չտուաւ, միտքը դրաւ որ այս անզամ ալ խարէ թագուհին։ Գնաց գտաւ պզտիկ Արփին որ՝ ձեռքը թուր մը՝ խոշոր կապիկի մը հետ սրախաղի կը վարժուէր, թէպէտ երեք տարեկան էր միայն, և իր կնոջը տարաւ՝ որ նոյնպէս պահեց զայն պզտիկ Արշալոյսին հետ, ու պըզտիկ Արփիին տեղ խիստ փափուկ ուլ մը եփեց, որը դեւուհին նոյնպէս մեծ ախորժակով կերաւ լափեց։

Մինչեւ այդ կէտը զործը յաջող գացեր էր,

այդ չար թագուհին ելաւ օր մը ըսաւ սեղանապետին . «Կ'ուզեմ միեւնոյն թացանով թագուհին ալ ուտել , ինչպէս կերայ իր զաւակները : » Այս անգամ սեղանապետը յոյսը կտրեց թէ ի՞նչպէս պիտի կրնայ խաբել անզգամ թագուհին՝ որուն հարսը քսան տարեկանը անցած էր՝ առանց հաշուելու քնացած հարիւր տարիները . անոր կաշին թէպէտ ճերմակ և աղուոր՝ կարծրկեկ պէտք էր ըլլար . ուստի պալատի անասուններուն մէջ ի՞նչպէս անոր չափ կարծր որս մը պիտի գտնէր : Իր կեանքը ազատելու համար որոշեց թագուհին մորթել . այս մտքով անոր սենեակը գնաց՝ մէկ-երկու չըսելով այդ գէշ բանը ընելու համար : Բարկութենէն ինքզինքը կ'ուտէր , դաշոյնը ձեռքը՝ մտաւ դեռատի թագուհիին սենեակը . չուզեց զանիկա յանկարծակիի բերել , ու մեծ յարգանքով հաղորդեց անոր մայր . թագուհիէն ստացած հրամանը : «Կատարէ՛ հրամանը , » ըսաւ խեղճ թագուհին վիզը երկնցնելով . կատարէ՛ քեզի տրուած հրամանը . իմ խեղճ զաւակներուս քով կ'երթամ , զորոնք այնչափ կը սիրէի : » Իր քովէն առնուած օրէն մեռած կը կարծէր զանոնք :

— Ո՞չ , ո՞չ , տիկին , ըսաւ խեղճ սեղանապետը , սիրտը շարժած , չպիտի մեռնիք , ու ձեր զաւակներն իսկ պիտի տեսնէք՝ զորոնք տունս պահած եմ . այս անգամ ալ պիտի խաբեմ այդ չար կինը , ձեր տեղը մատաղ եղնիկ մը հրամնելով անոր : » Այս ըսելով իր սենեակը տա-

րաւ , ու ազատ թողլով որ գրկէ իր զաւակներն ու լայ անոնց հետ , գնաց եղնիկը պատրաստեց ու հանեց զայն դեւ թագուհիին առջեւ՝ որ մեծ ախորժակով կերաւ որպէս թէ իր հարսն ըլլար : Այս ըրած գէշ զործէն խիստ գոհ մնացած էր , ու կը պատրաստուէր արքային դարձած ատեն ըսել անոր որ կատղած գայլեր բզքտած էին թագուհին ու անոր երկու զաւակները :

Իրիկուն մը որ դեւ թագուհին ըստ սովորականի բակերու և վայրագաւիթներու մէջ կը դեգերէր , թարմ միսի մը հոտն առնելու համար , վարի սրահէն պղտիկ Արքիին ձայնն առաւ , վասն զի մայրը կը ծեծէր զայն չարութիւն ըրած ըլլալուն համար . նոյնպէս պղտիկ Արշալոյսին ձայնը լսեց որ եղբօրը համար ներում կը խնդրէր մօրմէն : Դեւ-թագուհին իր հարսին ու անոր զաւակներուն ձայնը ճանչցաւ , ու խաբուելուն համար սաստիկ բարկացած՝ յաջորդ առտու սարսափելի ձայնով մը որ ամէնքը դող հանեց , հրամայեց որ բակին մէջտեղը մեծ կարաս մը բերեն , որուն մէջ լեցուց գորտեր , իժեր , մեծ ու պղտիկ օձեր . այդ կարասին մէջ պիտի նետէր թագուհին ու անոր զաւակները , սեղանապետը , անոր կինը ու աղախինը , ու հրաման ըրաւ որ ձեռքերնին ետեւնին կապուած բերեն հոն :

Եկած էին արդէն ու դահիճները կը պատրաստուէին զանոնք ամէնքը կարասին մէջ նետել , մէյ մ'ալ յանկարծ թագաւորը՝ որ չէր

սպասուեր բնաւ, իր ձիուն վրայ հեծած՝ եկաւ
բակը մտաւ: Սուրհանդակով եկած էր ու՝ զար-
մացած՝ հարցուց թէ ի՞նչ կը նշանակէր այդ
սոսկալի տեսարանը: Ոչ մէկը կը համարձա-
կէր բանն իմացնել անոր, և ահա դեւ-թա-
գուհին, տեսածէն սաստիկ բարկացած՝ գլխի-
վայր նետուեցաւ կարասին մէջ՝ ուր գտնուած
գարշելի կենդանիները լափեցին զինքը իս-
կոյն: Թագաւորը ցաւ զգաց, քանզի վերջապէս
իր մայրն էր, այլ շուտ մխիթարուեցաւ իր
աղուոր կինն ու զաւակները տեսնելով:



ԿՕՇԿԱՒՈՐ ՓԻՍԻԿԸ

LE CHAT BOTTE

Զաղացպան մը երեք զաւակ ունէր, որոնց
իրր միակ հարստութիւն թողուց իր ջաղացքը,
էշը եւ կատուն: Շուտով բաժինքը եղաւ մէ-
ջերնին. այլ ո՛չ նօտար կանչուեցաւ և ո՛չ հան-
րային դատախազ՝ որոնք բոլոր այդ խեղճ ժա-
ռանգութիւնը իրենք պիտի ուտէին լմնցնէին:
Անդրանիկին բաժին ինկաւ ջաղացքը, երկ-
րորդին՝ էշը, ու ամենէն պզտիկին՝ ջաղացքին
կատուն:

Այս վերջինը չէր կրնար մխիթարուիլ
այսպիսի խեղճ բաժին մ'իրեն իյնալուն. «Եղ-
բայրներս, կ'ըսէր, իրարու միացած՝ պիտի կըր-
նան իրենց ապրուստը շնորհքով հոգալ. իսկ
ես՝ երբ կատուս ուտեմ ու իր մորթէն ձեռնա-
մուշտակ մը շինեմ, ա՛լ բան մը պիտի չմնայ
ձեռքս, անօթութենէ պիտի մեռնիմ:»

Կատուն լսեց այս խօսքերը, և բան մը
յայտնի չընելով՝ լուրջ կերպարանքով մ'ըսաւ
անոր. «Հոգ մի՛ ըներ, տէր իմ, դուն ինծի
տոպրակ մը ճարէ՛ ու զոյզ մը կօշիկ շինել
տո՛ւր որ մացառներու մէջ երթամ, ու պիտի
տեսնես թէ քեզի ինկած բաժինէն գանգատե-
լու պատճառ չպիտի ունենաս: Թէպէտ կա-
տուին տէրը մեծ հաւատ մը չընծայեց այս
խօսքերուն, այլ սակայն իր թշուառութեան

մէջ անորմէ օգնութիւն գտնելէ յոյսը չկըտրեց, վասն զի տեսած էր անոր ճարպիկութիւնները՝ մեծ ու պղտիկ մուկեր բռնելու, թէ՛ ոտքերէն գլխիվայր կախուելով և թէ՛ մեռած ձեւանալու համար ալիւրի մէջ պահութելով՝ Լաֆօնթէնի պատմած կատուին նման:

Երբ կատուին ուզածը եղաւ, շնորհքով մը հազաւ կօշիկները, ու տոպրակը կոնակը առնելով՝ առջեւի թաթերովը լարերը բռնեց ու գնաց ճագարնոց մը զտաւ, ուր շատ մը ճագարներ կային: Տոպրակին մէջ դրաւ թեփ ու կաթնբեկ ըսուած տունկէն՝ զոր գիւղերու մէջ ճագարներու իբր կեր կը գործածեն ու մեռածի նման տարածուելով սպասեց որ մատաղ ճագար մը — աշխարհի վարպետութիւններէն անտեղեակ — գայ տոպրակին մէջ մտնէ մէջի դրուածը ուտելու համար:

Հազիւ պառկեր էր, ուզածը եղաւ: պըզտիկ անխորհուրդ ճագար մը տոպրակը մտաւ, ու մեր վարպետ կատուն շուտով մը լարերը քաշելով բռնեց զայն ու մեռցուց անխնայ:

Այս յաջողութենէն թեւերն ուռած՝ բըռնած ճագարն առաւ ու թագաւորին պալատը երթալով՝ ուզեց որ անոր առջեւ հանեն զինք ու թագաւորին գտնուած սրահը առաջնորդուելով ներս մտաւ ուր մեծ խոնարհութիւն մ'ընելով ըսաւ. «Ահաւասիկ, տէ՛ր արքայ, ճագար մը զոր Քառապա մարքիզը (հաճոյք զգաց այս անունը տալ իր տիրոջ) տուաւ որ ձեզ ընծայեմ: — Բայ՝ տիրոջդ, պատաս-

խանեց թագաւորը, թէ շնորհակալութեամբ կ'ընդունիմ իր նուէրը: »

Ուրիշ անգամ մը մեր վարպետ կատուն գնաց ցորենի արտի մը մէջ պահութեցաւ՝ տոպրակը միշտ բաց բռնած, և քաշեց լարերը, երբ երկու կաքաւներ մէջը մտեր էին, ու այսպէս բռնեց երկուքն ալ: Գնաց նորէն ճագարներուն նման՝ թագաւորին ընծայեց զանոնք: Թագաւորը այս անգամ ալ հաճութեամբ ընդունեց այդ երկու կաքաւները, ու պարզեւ մ'ալ շնորհեց:

Երկու - երեք ամիս, կատուն շարունակեց այսպէս իր տիրոջ բռնած որսերէն ատեն ատեն տանիլ թագաւորին: Օր մը իմանալով որ թագաւորը իր աղջկան հետ, որ աննման զեղեցկութիւն մ'ունէր, գետեզերքը պայտի պիտի ելլէր, ըսաւ իր տիրոջ. «Եթէ ըսածս ընես, բաղզդ շինուած է. գնա՛ լոգանք մը ա՛ռ զետին մէջ, այն տեղն՝ որ պիտի ցուցնեմ քեզի. ու մնացը ինծի թո՛ղ: »

Քառապա մարքիզը կատուին ըսածն ըրաւ առանց զիտնալու թէ ի՞նչ բանի պիտի ծառայէր այդ ըրածը: Լուացուելու միջոցին թագաւորը անկէ անցաւ ու կատուն բոլոր ուժովը սկսաւ «Օգնութիւն, օգնութիւն, Քառապա մարքիզը կը խղզուի» պոռալ:

Երբ մարքիզը ջուրէն կը հանէին՝ կատուն թագաւորին կառքին մօտենալով ըսաւ որ իր տէրը լուացուած միջոցին գողեր եկեր անոր հագուստները առեր տարեր էին, թէպէտ տէրս

«Հասէ՛ք» պոռացեր էր, բայց լսող չէր եղած։ Վապետորդի կատուն խոշոր քարի մը տակ պահեր էր իր տիրոջ լաթերը։ Թագաւորը հանդերձատան պաշտօնեաներուն հրամայեց որ երթան իր ամենէն շքեղ հագուստներէն մէկը բերեն Քառապա մարքիզին՝ որուն մեծ մարդասիրութիւն ցուցուց, ու որովհետեւ բերուած հագուստները շատ կը վայլէին, (ինքը արդէն գեղեցիկ ու բարեձեւ երիտասարդ մ'էր), թագաւորին աղջիկը հաւնեցաւ անոր, ու Քառապա մարքիզը հազիւ թէ յարգալից ու անուշիկ երկու-երեք նայուածք նետեց բամբիշին։ Ասիկա սիրահարեցաւ, խելքը թոցուց անոր վրայ։

Թագաւորը ուզեց որ Քառապա մարքիզը իր կառքը մտնէ ու մասնակցի պտոյտին։ Կատուն խիստ ուրախ էր որ իր դիտաւորութիւնը սկսած էր յաջողութիւն գտնել։ Առջեւէն քայլեց, ու մարզագետնի մը քաղոցքն ընող գիւղացիներու հանդիպելով՝ ըսաւ անոնց։ «Ո՞վ բարեսիրտ հնձողներ, եթէ թագաւորին չըսէք որ ձեր քաղած մարզագետինը Քառապա մարքիզինն է, աչքերնիդ քացէք, ձեր միսերը մանր մանր պիտի ջարդեն։»

Եւ իրօք թագաւորը հարցուց հնձողներուն թէ այդ մարզագետինը որո՞ւ կը վերաբերէր։ «Քառապա մարքիզինն է», պատասխանեցին մէկ բերան, վասն զի կատուին ըրած սպառնալիքէն վախցեր էին։ «Աղուոր կալուած մը ունիս», ըսաւ թագաւորը Քառապա մար-

քիզին։ — Այո՛, մարզագետինը՝ որ կը տեսնէք, պատասխանեց մարքիզը, մեծ հասոյթ կը բերէ ամէն տարի։»

Մեր վարպետ կատուն որ միշտ առջեւէն կ'երթար, ցորեն հնձողներ տեսնելով ըսաւ անոնց։ «Ո՞վ հնձողներ, եթէ չըսէք թէ բոլոր այս ցորենը Քառապա մարքիզինն է, բաներնիդ բուսած է։ բացէ՛ք աչքերնիդ, ձեր միսերը մանր մանր պիտի ջարդեն անխնայ։» Թագաւորը որ պահիկէ մ'անցաւ անկէ, ուզեց հասկնալ թէ այդ տեսած բոլոր ցորենները որո՞ւնն էին։

— Քառապա մարքիզինն են, պատասխանեցին հնձողները, ու թագաւորը դարձեալ շատ ուրախ եղաւ։ Կատուն՝ որ միշտ առջեւէն կ'երթար, որու որ հանդիպէր՝ նոյն բանը կ'ըսէր ամէն անգամ, ու թագաւորը զարմացած կը մնար թէ այդ Քառապա մարքիզը որքան ինչքեր ունի եղեր։

Վարպետ կատուն վերջապէս շքեղ դղեակ մը հասաւ, որուն տէրը գեւ մ'էր, գեւերուն ամենէն հարուստը, վասն զի թագաւորին անցած բոլոր հողերը այդ դղեակին կը վերաբերէին։ Կատուն նախ և առաջ հարցուց տեղեկացաւ թէ ո՞վ էր այդ գեւը, թէ ի՞նչ կ'ընէր, ու ինդը որ հետը տեսնուի անգամ մը, ըսելով թէ չէր ուզած դղեակին մօտէն անցնիլ՝ առանց անոր տիրոջ երթալ իր յարգանքը մատուցանելու։

Դեւը ընդունեց անիկա՛ դեւի մը վայելու

քաղաքավարութեամբ և ըսաւ որ նստի : « Ինծի
այնպէս հաւաստեցին , ըսաւ կատուն , թէ
կարողութիւնն ունիս եղեր ամէն տեսակ կեն-
դանիներու փոխուելուն , զոր օրինակ՝ կրնաս
եղեր առիւծի , փիղի կերպարանք առնել :

— Այդ ճշմարիտ է , ըսաւ գեւը և այդ
բանը քեզի ապացուցանելու համար հիմայ աչ-
քիդ առջեւ առիւծ պիտի ըլլամ : » Կատուն
այնքան զարհուրեցաւ առջեւը առիւծ մը
տեսնելով՝ որ անմիջապէս վազեց տանիքն
ելաւ , ինչ որ իրեն համար դժուարին ու
վտանգաւոր բան մը եղաւ , հազած կօշիկ-
ներուն պատճառաւ , որոնք կշմինարներու
վրայ քալելու չէին յարմարեր բնաւ :

Պահ մը ետք , կատուն տեսնելով որ գեւը
իր առջի կերպարանքը զտեր էր , վար իջաւ
ու խոստովանեցաւ թէ սաստիկ վախցեր էր :
« Ինծի հաւաստեցին նաեւ , ըսաւ , թէեւ ես
չեմ կրնար հաւատալ այդ բանին , թէ դուն
ամենէն պղտիկ կենդանիներու ձեւն ալ առ-
նելու կարողութիւն ունիս եղեր . օրինակի
համար կրնաս մեծ ու պղտիկ մուկի փոխուիլ,
ինծի անանկ կ'երեւայ թէ կարելի բան չէ
ատիկա :

— Կարելի բան չէ , կ'ըսես , կըկնեց գեւը.
հիմա՝ կը տեսնես : » Ու միեւնոյն ատեն պղտիկ
մուկի մը կերպարանք առաւ և սկսաւ հոս
հոն վազել տախտակամածին վրայ : Կատուն
զայն տեսնելուն պէս վրան ինչաւ ու կե-
րաւ ալ :

Այս միջոցին թագաւորը՝ գեւին շքեղ դըղ-
եակը տեսնելով ուզեց ներս մտնել : Կատուն
դուրսէն կառքին ձայնն առնելով՝ թագաւորին
առջեւ վազեց ու ըսաւ . « Բարի եկաք , հազար
բարի , բառապա մարքիզին այս դղեակին մէջ : »

— Ի՞նչպէս , այս դղեակն ալ Քառապա
մարքիզինն է , պոռաց թագաւորը : Այս ի՞նչ
գեղեցիկ բակ է , ինչպէս նաև շուրջը գտնուող
բոլոր շնչքերը , նե՛րս երթանք : »

Մարքիզը ձեռքը մատոյց իշխանուհին ,
ու թագաւորին ետեւէն վեր ելլելով՝ մեծ
սրահ մը մտան , ուր զտան ֆառաւոր նախ-
ընթրիք մը՝ զոր գեւը իր բարեկամներուն հա-
մար պատրաստեր էր : Ասոնք եկեր էին այդ
ճաշին , այլ թագաւորին հոն ըլլալն իմանա-
լով չէին համարձակած ներս մտնել : Թագա-
ւորը Քառապա մարքիզին ընտիր յատկու-
թիւններուն վրայ զայլած – ինչպէս աղջիկն
ալ՝ որ սկսեր էր խելքը թուցնել անոր վրայ – ու
տեսնելով անոր ունեցած մեծամեծ ինչքերը ,
հինգ - բաժակ կոնծելէ ետք , ըսաւ անոր .
« Պարո՞ն մարքիզ , պատրաստ եմ զքեզ իմ փե-
սաս ընելու : » Մարքիզը մեծ խոնարհութիւն-
ներ ընելով՝ ընդունեց թագաւորին պատուա-
ւոր առաջարկը , ու նոյն օրն իսկ կարգուե-
ցաւ իշխանուհին հետ : Կատուն մեծ ջոջ մը
եղած՝ այլ եւս զուարձանալու համար միայն
մուկերու ետեւէն կ'իյնար :



ՄՈՒՐՈՒՀԻ
ԿԱՄ ԱՊԱԿԵԱՅ ՊԶՏԻԿ ՀՈՂԱԹԱՓԸ
CENDRILLON
OU LA PETITE PANTOUFFLE DE VERRE

Ատենօք աղնուատոհմ ջոջ մը կար որ երկրորդ անգամ ամուսնանալով առաւ կին մը այնչափ գոռող , այնչափ ամբարտաւան , որ նմանը չէր տեսնուած : Ասիկա երկու աղջիկ ունէր միեւնոյն բնութեան տէր , որոնք ամէն կերպով իրենց մօր կը նմանէին : Ամուսինն աղջիկ մ'ունէր՝ աննման հեղութեամբ ու բարութեամբ . իր մօրը կը նմանէր՝ որ աշխարհի ամենէն բարի արարածն էր :

Հարսնիքը կատարուելուն պէս , մօրուն (խորթ մայրը) իր գէշ բնութիւնը ցոյց տուաւ . չէր հանդուրժեր այդ աղջկան ընտիր յատկութիւններուն՝ որոնց պատճառաւ իր աղջիկները աւելի ատելի կը դառնային : Տան ամենէն ստորին զործերը անոր վրայ թողուց . ան կը մաքրէր սեղանի սպասները ու սանդուղի աստիճանները , ան կը շիէր տիկնոջ և անոր աղջիկներուն խուցերը : Տան վերի կողմը՝ ձեղնայարկի մը մէջ կը պառկէր յարդէ անպիտան անկողնի մը վրայ , մինչդեռ իր խորթ քոյրերը հանգիստ սենեակներու մէջ վերջիննորածեւութեան համեմատ անկողիններ ունէին , ու մեծ հայելիներ՝ ուր նայողին ոտքէն մին-

չեւ գլուխը կ'երեւար : Խեղճ աղջիկը կը համբերէր այս ամէն բանին ու չէր համարձակեր գանգատիլ իր հօրը՝ որ բոլորովին կնոջը իշխանութեան տակ՝ պիտի յանդիմանէր զինքը :

Գործը լմնցուցած ժամանակ կ'երթար վառարանին մէկ անկիւնը մոխիրներու մէջ կը նստէր . այս պատճառաւ տան մէջ սովորաբար Մոխրուհի անունը կուտային անոր :

Սակայն Մոխրուհի՝ անշահ հագուստներուն հակառակ՝ շքեղօրէն հագուած կապուած իր քոյրերը հազար անգամ ծախու կ'առնէր իր գեղեցութեամբ :

Այն ժամանակները թագաւորին տղան պարահանդէս մը տուաւ ու բոլոր նշանաւոր անձերը հրաւիրեց այդ հանդէսին : Մեր երկու օրիորդներն ալ հրաւիրեալներու կարգէն էին , վասն զի նշանաւոր դիրք ունէին երկրին մէջ : Այս հրաւէրէն սաստիկ ուրախացած՝ իրենց ամենէն աւելի վայլելիք հագուստներու ու զլխանոցներու ընտրութեան հոգն ունեցան միայն : Նո՞ր գործ՝ խեղճ Մոխրուհիի համար , քանզի ան էր իր քոյրերուն կտաւեղէնները արդուկողը , ու անոնց թեւնոցները զարգարողը : Թէ ի՞նչպէս պիտի հագուէին , շքուէին , այս էր միայն երկու քոյրերուն բոլոր խօսակցութիւնը : «Ես , ըսաւ անդրանիկը , կարմիր թաշիշէ հագուստս պիտի հագնիմ , ու անգլիացն զարդ պիտի զործածեմ :

— Ես , ըսաւ իր քոյրը , սովորական շրջազգեստս պիտի հագնիմ , բայց անոր փոխարէն

ոսկեհուռ ծաղիկներով կրկնոցս ու աղամանդեայ վարսակալս պիտի դնեմ որ բաւական աչքի զարնելիք բան մ'է : » Ամենէն նշանաւոր վարսայարդարը կանչուեցաւ անոնց մազերուն վայելուչ յարդարման համար : Խորհուրդ հարցնելու համար Մոխրուհին կանչեցին, վասն զի կիրթ ճաշակ ունէր . անիկա պատուական խորհուրդներ տուաւ անոնց ու առաջարկեց իսկ որ ինք շտկէ անոնց գլուխը . քոյրերն ալ ընդունեցին Մոխրուհին առաջարկը :

Յարդարանքի միջոցին կը հարցնէին անոր . «Մոխրուհի՝, կ'ուզէի՞ր պարահանդէսին գըտնուիլ :

— Բարէ, օրիորդներ, կատա՞կ կ'ընէք, անիկա իմ տեղս չէ :

— Իրաւունք ունիս, ամէն մարդ պիտի խնդար, տեսնելով որ Մոխրուհին պարահանդէս գացեր է :

Մոխրուհին տեղ եթէ ուրիշ մը ըլլար, անոնց մազերը գէշ պիտի շտկէր, բայց անիկա բարեսիրտ աղջիկ մ'էր, կրցածին չափ վայելուչ կերպով կատարեց այդ գործը : Ուրախութենէն երկու օր բան չորին իրենց բերանը : Միշտ հայլինն առջեւ էին երկուքն ալ . իրենց մէջքը բարակէ բարակ ցուցնելու համար կապերով կը սեղմէին շարունակ :

Վերջապէս երջանիկ օրը հասաւ, մեկնեցան տունէն ու՝ որքան ժամանակ որ կարելի էր՝ Մոխրուհի նայեցաւ անոնց ետեւէն ու երբ

սյլ եւս կորսնցուց տեսութիւնը, սկսաւ դառն սրցունք թափել . իր կնքամայրը, որ պարիկ մ'էր, անոր լացը տեսնելով՝ պատճառը հարցուց . «Կ'ուզէի, կը փափաքէի . . . » Այնքան սաստիկ կուլար՝ որ չկրցաւ խօսքը լմցնել : Կնքամայրը ըսաւ իրեն . «Կը փափաքէիր պարահանդէս երթալ, այնպէս չէ :

— Բարէ, այո՛, ըսաւ Մոխրուհի հառաչելով :

— Լա՛ւ, եթէ աղէկ աղջիկ ըլլաս, ըսաւ կնքամայրը, քեզ պարահանդէս կը դրկեմ :

իր սենեակը տանելով՝ անոր ըսաւ . «Պարտէզ գնա՛ ու ինձի դգում մը բե՛ր : » Մոխրուհին գնաց ամենէն խոշորը ընարեց ու կնքամօրը բերաւ չկրնալով գուշակել թէ այդ դգումը ի՞նչպէս միջոց պիտի ըլլար իր պարահանդէս երթալուն : Կնքամայրը պարպեց այդ դգումը՝ կեղեւը միայն ձգելով, իր մոզական զաւազանով դպաւ անոր, ու դգումը իսկոյն ոսկեզօծ շքեղ կառք մը եղաւ :

Յետոյ գնաց մկան թակարդը քննեց ու վեց ողջ մուկեր տեսաւ մէջը բոնուած : Մոխրուհինն ըսաւ որ թակարդին գոնակը բանայ, ու գուրս ելլող ամէն մէկ մուկին՝ գաւազանով զպչելուն, մուկը իսկոյն աղուոր ձի մը կ'ըլլար . ասով այդ ոսկեզօծ շքեղ կառքին համար վեց գորշախայտ աղուոր ձիեր մէջտեղ ելան :

Մոխրուհին տեսնելով որ կնքամայր - պարիկը կը մտածէր թէ ի՞նչպէս շնորհքով կա-

ռապան մը մէջտեղ պիտի հանէր, «Երթամ տեսնեմ, ըսաւ. թակարդին մէջ բռնուած խոշոր մուկ կա՞յ՝ որպէս զի կառապան ընենք զայն :

— Իրաւունք ունիս, ըսաւ կնքամայրը, գնա՛ նայէ : Մոխրուհի բերաւ թակարդը, ուր երեք խոշոր մուկեր բռնուած էին : Պարիկ-կնքամայրը երեքին մէջէն մէկն ընտրեց՝ որ խիստ խոշոր մօրուք ունէր, ու դպչելով անոր՝ ամենազեղեցիկ պեխերով, խոշոր կառապանի մը փոխեց : Յետոյ ըսաւ Մոխրուհիին . «Պարտէզ գնա՛, ցնցուղին ետեւը վեց մոլէզներ պիտի գտնես, ա՛ռ ինձի բե՛ր :» Մոխրուհի բերաւ ու կնքամայրը փոխեց զազանոնք վեց հետեւորդներու, որոնք իրենց զարդարուն հագուստներով կառքին ետեւը իրենց տեղը բռնեցին այնպիսի ձեւով մը՝ որպէս թէ իրենց բոլոր կէանքին մէջ ատկէ տարբեր բան ըրած չըլլային :

Պարիկ կնքամայրը ըսաւ Մոխրուհիին . «Ահա՛ պարահանդէս երթալու համար պէտք եղածն ունիս. գո՞հ ես հիմայ :

— Այո՛, գոհ եմ, այլ այս անշահ հագուստներո՞վ պիտի երթամ պարահանդէս :

Այն ժամանակ կնքամայր-պարիկը իր գաւազանով անգամ մը միայն դպչելով անոր՝ մէյ մ'ալ տեսնես, բոլոր հազած լաթերը ոսկեղէն ու արծաթեղէն հագուստներու փոխուեցան՝ հոտեղէններով օծուած . յետոյ զոյզ մը ապակեայ հողաթափներ տուաւ՝ որոնք

ամենասսիրուն բաներ էին : Մոխրուհի այսպէս հագուստ կապուած՝ կառք մտաւ պարահանդէս երթալու, բայց կնքամայրը ապսպրեց իրեն որ հոգ տանի կէս զիշերը չանցընելու . եթէ վայրկեան մաւելի մնար պարահանդէս՝ իր փառաւոր կառքը՝ պիտի դառնար նորէն դդում ըլլար, ձիերը՝ մուկ, հետեւորդները՝ մողէզ ու հագուստներն ալ առջի հին հագուստները պիտի ըլլային :

Մոխրուհի խոստացաւ կնքամայրին թէ անպատճառ կէս զիշերէն առաջ պիտի ելլէր պարահանդէսէն ու յետին ցնծութեան մէջ ճամբայ ելաւ : Թագաւորին տղուն գացին իմացուցին որ մեծ իշխանուհի մը եկած էր՝ զոր չէին ճանչնար . անիկա փութաց ընդունելու այդ մեծ իշխանուհին, կառքէն իջեցնելու համար ձեռքն անոր երկնցուց ու սրահը առաջնորդեց ուր կը գտնուէր բոլոր ընկերութիւնը : Մեծ լուութիւն տիրեց սրահին մէջ, պարը դադրեցաւ, ջութակները լսեցին . վասն զի այդ անծանօթ օրիորդին սքանչելի զեղեցկութիւնը ամէնուն ուշադրութիւնը գրաւած էր . շփոթ ձայն մը կը լուէր միայն . «Այս ի՞նչ հրաշալի, ի՞նչ աննման զեղեցկութիւն է :» Նոյն իսկ թագաւորը՝ թէպէտ ծեր, զայն դիտելով՝ թագուհին կըսէր թէ բոլոր կեանքին մէջ այսքան զեղեցիկ, այսքան սիրուն աղջիկ մը չէր տեսած : Բոլոր կիները ուշադիր կը դիտէին անոր հագուստներն ու գլխանոցը,

որպէս զի միւս օրը երթան անոնց նմանները փնտռելու, բայց ո՞ւր պիտի գտնէին այդ միեւնոյն շքեղ պատառները ու անոնց նմանները կերտող վարպետ բանուորներ :

Թագաւորին տղան՝ մեր Մոխրուհին ամենէն պատուաւոր տեղը նստեցնելէ ետքը՝ գնաց զանիկա վերցուց հետը պարելու համար : Այնքան աղուոր, այնքան շնորհքով պարեց՝ որ ընդհանուրին հիացումը աստիճան մը եւս գրաւեց : Ճոխ նախընթրիք մը բերին, բայց երիտասարդ իշխանը բերանը բան մը չդրաւ . շարունակ Մոխրուհիին երեսը կը դիտէր զմայլումով : Մոխրուհի գնաց իր քոյրերուն քով նստաւ ու բիւր ազնուութեան ցոյցեր ըրաւ . իշխանին իրեն տուած նարինջներէն ու կիտրոններէն հրամցուց անոնց : Քոյրերը զարմացեր մնացեր էին, վասն զի չէին կրցեր զայն ճանչնալ :

Կէս զիշերին քառորդ կար, Մոխրուհի ընկերութեան խոնարհութիւն մը ընելով՝ փութաց մեկնիլ պարահանդէսէն, ու տուն հասնելուն պէս գնաց կնքամայրը գտնելու՝ որուշնորհակալութիւններ յայտնելէ ետք՝ ըսաւ որ յաջորդ օրն ալ կը փափաքէր երթալ պարահանդէս, վասն զի թագաւորին տղան մասնաւորապէս հրաւիրեր էր զինքը : Մինչ կնքամայրին պատմելու վրայ էր պարահանդէսին մէջ պատահածները, երկու քոյրերը դուռը զարկին : Մոխրուհի բանալով դուռը՝ « Այդ ո՞րքան ուշացաք, ըսաւ, յօրանջելով ու աշ-

քերը շփելով՝ որպէս թէ նոր արթնցած ըլլար — թէպէտ անոնցմէ բաժնուելէն ի վեր քունը եկած չէր բնաւ : « Եթէ պարահանդէս եկած ըլլայիր, ըսաւ քոյրերէն մէկը, շատ պիտի զուարձանայիր . գեղեցիկ՝ նմանը չտեսնուած գեղեցիկ իշխանուհի մը եկաւ, մեզի բիւր քաղաքավարութիւններ ըրաւ, նաեւ նարինջ ու կիտրոն հրամցուց :

Մոխրուհի կը թռէր ուրախութենէն . հարցուց թէ ո՞վ էր արդեօք այդ իշխանուհին : Քոյրերը պատասխանեցին թէ պարահանդէսին մէջ ոչ մէկը ճանչցած էր զայն և թէ թագաւորին տղան մեծապէս հետաքրքրուած՝ միլիոններ պիտի տար ո՞վ ըլլալը իմանալու համար : Մոխրուհի ըսաւ ժպտելով . « Ուրեմն այդչափ աղուո՞ր էր այդ իշխանուհին . ո՞րչափ երջանիկ էք որ տեսեր էք զինքը, արդեօք ես ալ պիտի չկրնա՞մ տեսնել այդ գեղեցիկ իշխանուհին : Օրիո՞րդ ժափօդ, շատ կ'աղաչեմ փոխ տայիր ինծի զեղնագոյն հազուստգ՝ որ ամէն օր վրադ կը կրես. մեծ բարիք ըրած պիտի ըլլաս :

— Հա՛, հոգս հատեր էր . խենթ էի, յիմարանցի խենթ որ հագուստս ջլթիկ Մոխրուհին տայի, ըսաւ, օրիորդ ժափօդ : Մոխրուհի կը սպասէր որ խնդիրը մերժուէր, ու շատ զոհ եղաւ մերժուելէն . ի՞նչ պիտի ընէր եթէ իր քոյրը յօժարէր իր հագուստը փոխ տալ իրեն :

Հետեւեալ օրը երկու քոյրերը դարձեալ

պարահանդէս գացին , նոյնպէս Մոխրուհին , բայց առջի անգամէն աւելի փառաւոր հազուած շքուած : Թագաւորին տղան այս անգամ ալ քովէն չբաժնուեցաւ , ու հազար անոյշ խօսքեր կ'ընէր անոր : Մոխրուհի այնքա՞ն ուրախացաւ , այնքան ուրախացաւ որ ուրախութեանը մէջ մոռցաւ թէ կնքամայրը ի՞նչ ապապրած էր իրեն . Ժամացոյցը կէս գիշեր զարկաւ , մինչդեռ ինք կը կարծէր թէ ժամը տասնըմէկն է , ու ոտք ելլելով թռաւ գնաց , իշխանը եաեւէն գնաց , բայց չկրցաւ հասնիլ : Սակայն գեանէն վերցուց առաւ անոր ապակեայ հողաթափներէն մէկը որ ինկած էր ոտքէն : Մոխրուհի հեւ ի հեւ հասաւ տուն , բայց առանց կառքի , առանց հետեւորդի , ու իր անշահ հագուստներով . վասն զի կնքամօր խօսքը չէր բռնած . իր բոլոր փառաւորութենէն ուրիշ բան չէր մնացած , բայց եթէ իր հողաթափներէն մէկը որուն զոյգը կորսուած էր . պալատի դրան պահապաններուն հարցուեցաւ թէ իշխանուհիի մը դուրս ելլելը տեսա՞ծ էին արդեօք , պատասխանեցին թէ տեսածնին անշահ հագուստներով աղջիկ մէր , աւելի գիւղացիի քան թէ ընտանիքի աղջկան մը երեւոյթով :

Երկու քոյրերը պարահանդէսէն դառնալնուն , Մոխրուհի հարցուց թէ դարձեալ լաւ զուարձացա՞ն ու այն զեղեցիկ իշխանուհին ալ դարձեալ պարահանդէս կը գտնուէ՞ր : Պատասխանեցին թէ նորէն եկած էր , այլ կէս գիշեր

զարնելուն պէս , ձգեր փախեր էր այնքան շուտ , այնքան շուտ , որ իր ապակեայ հողաթափներէն մէկը՝ ամենասիրուն հողաթափ մը՝ ոտքէն սահեր ինկեր էր , ու թագաւորին տղան վերցուցեր էր զայն , ու պարահանդէսին մէջ չէր դադրած այդ հողաթափը դիտելէ . յայտնի կը տեսնուէր թէ սիրահարուած է այդ հողաթափը կրող զեղեցիկ իշխանուհիին :

Ըսածնին ձշմարիտ էր , քանի մ'օր ետք թագաւորին տղան մունետիկներու միջոցաւ իմացուց ժողովրդեան թէ պիտի ամուսնանար այն աղջկան հետ՝ որուն ոտքը ճիշդ ու ճիշդ պիտի յարմարէր հողաթափին : Նախ և առաջ իշխանուհիներու ոտքին փորձեցին , ետքը դքսուհիներու , ետքը պալատական օրիորդներու , բայց պարապ տեղ : Երկու քոյրերուն ալ բերուեցաւ հողաթափը , ամէն ճիզ թափեցին անոնք որ իրենց ոտքը կարենար մտնել անոր մէջ , բայց կարելի չեղաւ : Մոխրուհի որ կը դիտէր զանոնք , իր հողաթափը ճանչնալով ըսաւ ինդալով . «Նայիմ իմ ոտքիս կուզա՞յ : » Քոյրերը սկսան ծիծաղիլ ու ծաղրել զինքը : Հողաթափին փորձն ընող պալատականը , ուշադիր դիտելով Մոխրուհին , ու տեսնելով որ խիստ աղուոր աղջիկ մ'է , ըսաւ թէ իրաւացի էր անոր խօսքը , և թէ ինք հրաման ունէր առ հասարակ բոլոր աղջիկներուն ոտքին փորձել : Մոխրուհին նստեցուց և հողաթափը անոր մանրիկ ոտքին մօտեցնելով տեսաւ որ դիւրաւ կը մտնէր , որպէս թէ իր ոտքին վրայ

չափուած ըլլար : Խիստ մեծ եղաւ երկու քոյրերուն զարմանքը , ա՛լ աւելի զարմացան երբ Մոխրուհի հողաթափին զոյգը հանելով զրպանէն՝ միւս ոտքին անցուց : Այս միջոցին՝ վրայ հասաւ կնքամայրը , և Մոխրուհիին հագուստներուն իր մոգական զաւազանը դպցնելով այսպէս ըրաւ որ բոլոր առջի կրած հագուստներէն ալ աւելի փառաւոր դարձան անոնք :

Այն ատեն երկու քոյրերը հասկցան որ ան էր այն գեղեցիկ աղջիկը՝ զոր տեսեր էին պարահանդէսին մէջ : Անոր ոտքն իյնալով իրենց գէշ վարմունքներուն համար ներում խնդրեցին : Մոխրուհի ոտքի հանեց զանոնք ու գրկելով ըսաւ որ բոլոր սրտովը կը ներէ իրենց ու կը խնդրէ որ միշտ սիրեն զինք : Այսպէս հագուած շքուած՝ առաջնորդեցին զայն երիտասարդ իշխանին քով , որ առաջուընէ ալ աւելի գեղեցիկ գտաւ զինքը , ու քանի մ'օրէն հետը ամուսնացաւ : Մոխրուհի որ գեղեցկութեանը չափ բարի ալ էր՝ երկու քոյրերը պալատի մէջ բնակեցուց ու նոյն օրն իսկ երկու մեծ պալատականներու հետ ամուսնացուց զանոնք :

ԱՈՒՐԲ ՆԵՐՍԵՍ ՇՆՈՐՀԱԼԻ
Գ Ր Ա Դ Ա Ր Ա Ն

ST. NERSES SHNORHALI
LIBRARY
ARMENIAN PRELACY

ԽՐՉԱԿՈՐ ՌԻՔԷ

RIQUET A LA HOUPPE

Թագուհի մը ատենով զաւակ մը ծնաւ այնքան տգեղ ու տձեւ որ տեսնողները երկար ատեններ անոր մարդկային ձեւ ունենալուն վրայ տարակուսեցան : Պարիկ մը՝ որ անոր ծնած ժամանակը ներկայ զըտնուած էր , հաւաստեց սակայն որ անիկա մեծ խելքի տէր պիտի ըլլայ ու այս պատճառաւ պիտի հաւնուի ամենէն . ըսաւ նաեւ թէ մասնաւոր ձիրք մը չնորհած էր անոր՝ որու զօրութեամբ իր ամենէն աւելի սիրած անձին՝ իր ունեցածին չափ խելք պիտի կրնար պարգեւել : Այս յայտարարութեան վրայ խեղճ թագուհին՝ որ այսպիսի անշնորհ ծնունդ մ'ունենալուն համար սաստիկ տիրած էր , քիչ մը միիթարութիւն գտաւ : Եւ ստուգիւ այդ տղուն լեզուն բացուածին պէս , հազար սիրուն բաներ կ'ըսէր , ու իր ընթացքին մէջ ա'յնքան մեծ ուշիմութիւն կը ցուցնէր որ ամէնքը զմայլած կը մնային : Զմոռնանք ըսել որ անիկա ծնած ժամանակը գլխուն վրայ մազերու պըզտիկ խուրծ (բէրչէմ) մ'ունէր , ու այս պատճառաւ խրձաւոր Ռիքէ անունը տուին անոր , վասն զի Ռիքէ էր ընտանիքին անունը :

Եօթը - ութ տարի ետք , մերձակայ տէրութեան մը թագուհին երկու աղջիկ ծնաւ , որոնց

առաջինը սքանչելի գեղեցկութիւն մ'ունէր ,
ու թագուհին այնքան ուրախացաւ , այնքան
ուրախացաւ որ վախցաւ որ խելքին չդպի :
Այն միեւնոյն պարիկը՝ որ Ռիքէի ծննդեան
ներկայ էր , հոն ալ գտնուեցաւ , ու թագու-
հին ուրախութեան չափ մը դնելու համար ,
յայտարարեց որ այդ նորածին իշխանուհին
խելքէ զուրկ՝ գեղեցկութեանը աստիճանով
տիսմար պիտի ըլլար : Ասիկա մեծ ցաւ պատ-
ճառեց թագուհին , բայց պահ մը ետք շատ
աւելի մեծ զիշտ մը զգաց՝ տեսնելով թէ երկ-
րորդ աղջիկը յետին աստիճան տգեղ էր :
« Այդքան մի՛ տիսրիր , տիկին , ըսաւ պարիկը ,
աղջիկդ ուրիշ կողմէ փոխարինութիւն պիտի
ընդունի , այսինքն՝ այնքան խելացի պիտի
ըլլայ որ գեղեցկութենէ զուրկ ըլլալը չպիտի
նշմարուի անգամ : »

— Երանի՛ թէ այդպէս ըլլար , ըսաւ թա-
գուհին , բայց ճարը չկա՞յ արդեօք որ անդրա-
նիկը , որ այնքան գեղեցիկ է , քիչ մ'ալ խել-
քով փայլի :

— Խելքի մասին բան մը չեմ կարող ընել ,
տիկին , ըսաւ պարիկը , այլ գեղեցկութեան
մասին ամէն կարողութիւն ունիմ . և որովհե-
տեւ մեծ է քեզ զոհ ընելու փափաքս , իրեն
այն ձիրքը պիտի տամ՝ որ իր հաւնած անձը
գեղեցիկ դարձնէ :

Ո՞քան մեծցան այդ երկու եշխանուհի-
ները՝ իրենց յատուկ ձիրքերն ալ նոյնքան
աւելցան . ամէն տեղ անդրանիկին գեղեցկու-

թեան ու կրտսերին խելքին խօսքը կ'ըլլար .
սակայն , նոյն աստիճանով , տարիքի հետ իրենց
պակասութիւններն ալ կ'աւելնային : Կրտսերը
երթալով կը տգեղնար , անդրանիկն ալ միւս
կողմէն՝ երթալով կը տխմարնար . կա՛մ եղած
հարցումին պատասխան չէր տար ամենեւին ,
կա՛մ ապուշ պատասխան մը կուտար : Միեւ-
նոյն ժամանակ , այն աստիճան անձարակ ձեռք
մը ունէր որ գարակին եզերքը չէր կարող
չորս աման շարել , առանց անոնցմէ մէկը կոտ-
ըլլու , ոչ ալ բաժակ մը ջուր խմել՝ առանց
ջուրին կէսը զեղստներուն վրայ թափելու :

Թէպէտ գեղեցկութիւնը մեծ առաւելու-
թիւն մէ աղջկան մը համար , սակայն ամէն
ընկերութիւններու մէջ պզտիկ քոյրը մեծ քոյ-
րին վրայ գերազանցութիւն կ'ունենար : Առջի-
բերան , գեղեցիկին քով կ'երթային մօտէն տես-
նելու ու վրան զմայլելու համար , այլ շուտով
հեռանալով խելացիին քով կ'երթային , անոր
ախորժելի խօսքերը լսելու : Հոն գտնուողները
կը զարմանային որ քառորդի մը մէջ մեծին քով
մէկը չէր մնար ու ամէնքը պզտիկին չորս
կողմը կ'առնէին : Մեծը՝ թէպէտ չափազանց
տիսմար՝ կը դիտէր այդ բանը . խեղճը սիրով
վրայ պիտի տար իր գեղեցկութիւնը , իր
պզտիկ քրոջ խելքին կէսն ունենալու համար :
Թագուհին՝ թէպէտ խելքը զլուխը կին՝ չհամ-
բերելով շատ անգամ անոր տիսմարութիւնը՝
երեսին կը զարնէր , անանկ որ խեղճը քիչ մնաց
որ մեռնէր սրտին վշտէն :

Օր մը որ գացեր անտառը քաշուեր էր իր դժբախտութիւնը ափսոսալու, և ահա անախորժ կերպարանքով, բայց խիստ փառաւոր հագուած մանրուկ մարդ մը քովը եկաւ։ Խրձաւոր Ռիքէ երիտասարդ իշխանն էր այն՝ որ անոր պատկերը տեսնելով սիրահարուած, իր հօրը տէրութեան սահմաններէն հեռանալով եկած էր զայն տեսնելու ու հետը խօսելու։ Իր փընտուածը այսպէս առանձին գտնելուն սաստիկ ուրախացած՝ ամէն կարելի յարգանքով ու քաղաքավարութեամբ մօտեցաւ անոր ու սովորական գովասանքները (compliments) ընելէ ետք, անոր մեծ տիրութիւնը դիտելով։ «Օրիո՛րդ, ըսաւ, չեմ հասկնար թէ այդպիսի մեծ գեղեցկութիւն ունեցող անձ մը ի՞նչպէս կընայ այդքան տիսուր ըլլալ։ Ես անհամար գեղեցիկ աղջիկներ տեսած եմ, բայց չեմ տեսած ձերինին նման մեծ գեղեցկութիւն։

— Այդպէս ըսել կ'ուզէք, պա՛րոն, պատասխանեց իշխանուհին։» Ու աղկէ ուրիշ բան մը չըսաւ։ — Գեղեցկութիւնը, կրկնեց Խըրձաւոր Ռիքէ, այնքան մեծ առաւելութիւն մ'է որ ամէն բանի տեղը կը բռնէ ու երբ մէկը ունի այդ ձիրքը, պատճառ մը չունի այդ աստիճան տիսելու։

— Կը նախընտրէի, ըսաւ իշխանուհին, ձեզի չափ տգեղ ըլլալ ու խելք ունենալ, բան թէ այսպէս գեղեցիկ ըլլալ՝ ու ըլլալ տիսմար ինչպէս եմ դժբախտաբար։

— Խելք ունենալու ամենէն մեծ նշանը,

օրիորդ, խելք չունենալ կարծելն է, ու խելքի բնոյթին մէջն է որ, ո՛րչափ մէկը ունի այդ ձիրքը, այնքան կը կարծէ զուրկ ըլլալ անկէ։

— Այդ բանը չեմ գիտեր, ըսաւ իշխանուհին, սակայն սա՛ գիտեմ թէ տիսմար մ'եմ, մեծ տիսմար մը, ու այս է սրտիս ամենամեծ վիշտը։

— Եթէ այդ է ձեր վիշտին պատճառը, օրիորդ, ես կրնամ գիւրաւ փարատել զայն։

— Ի՞նչպէս պիտի փարատէք, ըսաւ իշխանուհին։

— Եւ կարողութիւնն ունիմ, ըսաւ Խըրձաւոր Ռիքէ, ամէն խելք պարզեւել ամենէն սիրած անձիս, ու այդ անձը դուք էր, օրիո՛րդ, ձեր ձեռքն է ուրեմն ամէն խելք ունենալ միայն թէ յօժա՞ր էք ամուսնանալ ինձի հետ։»

Իշխանուհին շփոթած մնաց, չէր գիտեր ի՞նչ պատասխանել։ «Կը տեսնեմ, կը կնեց Խըրձաւոր Ռիքէ, որ առաջարկս փարանում կը պատճառէ ձեզի ու չեմ զարմանար։ Ձեր որոշումը ընելու համար լման տարի մը ժամանակ կուտամ։» Իշխանուհին խելքի պաշարը այնքան քիչ էր ու միեւնոյն ժամանակ այնքան մեծ էր խելացի ըլլալու փափաքը՝ որ այնպէս երեւակայեց թէ այդ տարիին վախճանը բնաւ չպիտի հասնէր և ընդունեց իրեն եղած առաջարկութիւնը։ Խրձաւոր Ռիքէին խոստանալուն պէս թէ մէկ տարի վերջը այդ խոստանալուն պիտի ամուսնանար, մեծ փորն իսկ հետը պիտի ամուսնանար, մեծ փոխութիւն մը զգաց իր վրայ, նոր մէկը եղաւ,

անհաւատալի դիւրութիւն գտաւ ուզած բանն ըսելու, ու նրբամիտ, սահուն ու բնական կերպով ըսելու : Այդ վայրկեանէն տարփական երկարատեւ խօսակցութիւն մը սկսաւ, և այնքան լաւ խօսեցաւ որ Խրձաւոր Ռիքէ կարծեց թէ բուն իր ունեցած խելքէն աւելին իսկ տուած ըլլար անոր :

Իշխանուհին պալատ դառնալուն, արքունիքին մէջ ամէնքը զարմացան մնացին, թէ ի՞նչ յանկարծական արտակարդ փոփոխութիւն եղած էր անոր վրայ. քանզի ինքը որ առաջ ափեղցիեղ խօսքեր կ'ընէր, սկսաւ ուշիմ ու խելացի խօսքեր ընել :

Բոլոր արքունիքը շատ ուրախ եղաւ իշխանուհին կրած այս յաջող գոփոխութենէն . իր պղտիկ քոյրը միայն շատ գոհ չմնաց, վասն զի հիմայ անորմէ աւելի խելք չունենալով, անոր քով, տգեղ ողորմելի աղջիկ մը կ'երեւար :

Թագաւորը իր աղջկան խորհուրդներով կը կառավարուէր . մինչեւ իսկ երբեմն ժողովները անոր սենեակին մէջ կը գումարէր : Այս փոփոխութեան լուրը ամէն կողմ տարածուելով մերձակայ բոլոր իշխանազունները ինքնինքնին սիրելի ընծայելու ճիգեր կը թափէին . ամէնքն ալ կնութեան կ'ուզէին զայն. բայց անոնցմէ ոչ մէկը բաւական կ'երեւար իրեն, ու ամէնուն ըսածները մտիկ կ'ընէր, առանց որ և է մէկուն խելք տալու : Սակայն այնքան հզօր, այնքան հարուստ, այնքան մտացի ու այնքան բարեձեւ իշխանազուն մ'եկաւ՝ որ

հակամիտութիւն ցուցուց անոր համար: Հայրը դիտելով բանը՝ ըսաւ որ ազատ էր ուզածն ընտրելու, բաւական էր որ կամքը յայտնէր : Որովհետեւ մարդ որքան խելք ունենայ՝ այնքան աւելի դժուարութեամբ այս մասին հաստատ որոշում մը կ'ընէ, հօրը շնորհակալ ըւլալէ ետք, խնդրեց որ խորհելու ժամանակ արուի իրեն :

Պատահմամբ պտտելու ելաւ այն միեւնոյն անտառը՝ ուր Խրձաւոր Ռիքէին հետ տեսնուած էր, որպէս զի ըսելիքին վրայ աւելի հանգիստ կերպով խորհի : Մինչ խորունկ մտածումի մէջ թաղուած կը շրջագայէր՝ աղօտ շըուկ մը լսեց ոտքերուն տակ՝ հոս հոն զացող, եկող ու զործի վրայ գտնուող շատ մը անձեռու շըուկը : Աւելի ուշադրութեամբ ականջ գնելով՝ լսեց մէկուն ձայնը որ կ'ըսէր . «Սա՛ պտուկը (թէնինիրէ) բե՛ր » . միւսը՝ « Սա՛ կաթսան տո՛ւր . » Երբորդը՝ « Կրակին մէջ փայտ դի՛ր : » Նոյն միջոցին գետինը բացուելով՝ իր ոտքերուն տակ տեսաւ, որպէս թէ խոհանոց մը՝ խոհակերներով, խոհեակներով (խոհանոցի մանչ) ու փառաւոր խնձոյք մը պատրաստելու համար ամէն կերպ պաշտօնեաներ : Քսան երեսուն խորովիչներու խումբ մը դուրս ելլելով՝ գնաց անտառին մէկ ծառուղիին մէջ դիրք բռնեց ու երկար սեղանի մը շուրջը, ամէնքն ալ ձեռքերնին շամփրիկ բռնած ու գլուխնին ալ մուշտակէ գլխանոց դրած՝ ներդաշնակ երգի մը ձայնով սկսան աշխատի :

Իշխանուհին այս տեսարանէն զարմացած՝ հարցուց թէ որո՞ւ համար կ'աշխատէին : « Խրձաւոր Ռիքէ իշխանին համար կ'աշխատինք որու հարսնիքը պիտի կատարուի վաղը : » Իշխանուհին աւելի եւս զարմացած ու յանկարծ յիշելով որ ճիշդ տարի մը առաջնոյն օրը խօսք տուեր էր Խրձաւոր իշխանին հետ ամուսնալու՝ գլուխին զարկածի պէս բան մը եղաւ : Զյիշելու պատճառն այն էր որ այդ խոստումը ըրած ատեն տիսմար մէկն էր, ու իշխանին տուած նոր խելքն ընդունած ատեն՝ իր բոլոր անմտութիւնները մոռցեր էր :

Պտոյտը շարունակելով հազիւ քսան - երեսուն քայլ առած էր, ահա Խրձաւոր Ռիքէ դիմացն ելաւ հագուած շքուած, իբրև փառաւոր իշխան մը որ պիտի ամուսնանայ . « Կը տեսնէք, օրիորդ, ըսաւ, որ խոստումս պահեցի ու տարակոյս չունիմ որ դուք ալ ձեր խօսքը պիտի բռնէք : »

— Ձեզի բացէ ի բաց պիտի խոստովանիմ, պատասխանեց իշխանուհին, թէ այս մասին որոշում մը չե՞ւ տուած տակաւին, ու չեմ կարծեր թէ կարենամ ձեր փափաքին համապատասխան որոշում մը ընել :

— Ձեր խօսքերը ինձ զարմանք կը պատճառեն, ըսաւ Խրձաւոր Ռիքէ :

— Կը հաւաաամ որ զարմանք պատճառեն, ըսաւ իշխանուհին . անշուշտ եթէ անոպայ մէկու մը, անխելք մարդու մը հետ ըլլար գործու մեծ պիտի ըլլար շփոթումս : « Իշխա-

նուհի մը մէկ խօսք միայն կ'ունենայ, պիտի ըսեմ, ու պէտք է որ ամուսնանաք ինծի հետ, քանի որ խոստացած էք . բայց որովհետեւ դիմացի մարդս կենցաղագէտ մէկն է, ամենամեծ խելքի տէր, ապահով եմ որ խօսք պիտի հասկնայ : Գիտէք, տիմար մէկն եղած ժամանակս՝ չէի կընար ձեզ հետ ամուսնանալու որոշում տալ . հիմայ ի՞նչպէս կ'ուզէք որ ձեր շնորհած խելքով որ առաջուընէ աւելի մարդ հաւնելու մասին զիս դժուարահաճ կ'ընէ, տամ որոշում մը՝ որ այն ժամանակ չկրցայ տալ : Եթէ միտք ունէիք հետս ամուսնանալ, մեծ սխալում մ'ըրած էք տիմարութիւնս փարատելով ու առաջուընէ աւելի յստակատես ընելով զիս :

— Եթէ անխելք մէկը, պատասխանեց Խրձաւոր Ռիքէ, ձեր ըսածին համեմատ իրաւունք պիտի ունենար ձեր խոստմազանցութիւնը երեսնուդ զարնելու, ի՞նչպէս կ'ուզէք, օրիորդ, որ միեւնոյն ցաւագին դիտողութիւնը չընեմ այնպիսի պարագայի մը մէջ՝ ուրկէ կախեալ է իմ կեանքիս երջանկութիւնը : Միթէ բանաւո՞ր բան մ'է որ խելքի տէր անձանց կեանքի պայմանը խելք չունեցողներէն աւելի գէշ ըլլայ : Այլ գա՞նք գործին . ըսէք, օրիորդ, բաց ի տգեղութենէն՝ տհաճելի բան մը կը գտնէ՞ք վրաս : Միթէ դժգո՞ն էք տոհմէս, խելքէս, բնաւորութենէս ու ձեւերէս :

— Ո՛չ, ամենեւին, պատասխանեց իշխանուհին . ընդհակառակն շատ գոհ եմ ձեր վրայ գտնուած այդ առաւելութիւններէն :

— Եթէ այդպէս է, կրկնեց Խրձաւոր Ռիքէ, երջանիկ պիտի ըլլամ, քանզի դուք, օրիորդ, կարող էք մարդիկներու ամենէն սիրունը դարձնել զիս :

— Ի՞նչպէս կրնայ ըլլալ այդ բանը, ըսաւ իշխանուհին :

— Շատ աղէկ կրնայ ըլլալ, պատասխանեց Խրձաւոր Ռիքէ, եթէ վրաս բաւական սէր կը զգաք, փափաքելու համար որ այդպէս ըլլայ : Եւ որպէս զի չտարակուսիք խօսքիս ճշմարտութեան վրայ՝ զիտցէք, օրիորդ, որ այն միեւնոյն պարիկը որ ծնած օրս ինծի կարողութիւն չնորհեց, հաւնած սիրած անծս խելացի դարձնելու, ձեզի ալ շնորհած է այն ձիրքը որ կարենաք ձեր սիրածը զեղեցիկ մէկը ընել՝ եթէ ուզէք :

— Եթէ այդպէս է բանը, ըսաւ իշխանուհին, բոլոր սրտովս կը ցանկամ, կը փափաքիմ որ աշխարհի ամենէն սիրուն անձը ըլլաք ու այդ բանին ձիրքը կուտամ ձեզի իմ բոլոր կարողութեամբս » :

Հազիւ այս խօսքերը արաասանած էր իշխանուհին, ահա Խրձաւոր Ռիքէ անոր աշքին երեւցաւ իբրեւ աշխարհի ամենէն աղուոր, ամենէն բարեձեւ ու ամենէն սիրուն անձը որուն նմանը չէր տեսած ամենեւին : Ոմանք այնպէս կը հաւաստեն թէ պարիկին թովանքը չէր ազդողը, այլ սէրն էր միայն այս կերպարանափութիւնը յառաջ բերողը : Այնպէս կ'ըսեն թէ ներգործողը պարիկին հմայքը

չըլլար, այլ միմիայն սէրը գործած ըլլար այս փոխակերպութիւնը . կ'ըսեն թէ իշխանուհին այդ խորհրդածութիւնը ընելով՝ իր սիրահարին յարատեւութեան, խորհրդածութեան ու անոր հոգւոյն ու մտքին աղուոր աղուոր յատկութիւններուն վրայ, ա'լ նշմարած չըլլայ անոր մարմնոյն տձեւութիւնը ու դէմքին ալ տգեղութիւնը . թէ անոր կուզը իրեն կ'երեւայ կոնակը ուռեցնող մէկու մը տոկուն ձեւով . ինքը՝ որ անոր սաստիկ կաղալը տեսեր էր, հիմայ ոիայն անոր կողմէ նազանք մը կը դտնէ որ զմայլում կը պատճառէ իրեն . կ'ըսեն նաեւ թէ անոր աշքերը որ շիլ էին, աւելի փալփլուն կ'երեւան իրեն, թէ աշքերուն արտականոն նայուածքը չափազանց մեծ սիրոյ մը տպաւութիւնը կ'ընէր իր մտքին վրայ, ու վերջապէս անոր խոշոր կարմիր քիթը ուզմական ու դիւցազնական բան մ'ունին իր աշքին :

Բանն ինչպէս ալ եղած ըլլայ՝ իշխանուհին իսկոյն խօսք տուաւ հետը ամուսնանալու, միայն թէ ուզեց թագաւոր - հօրը հաւանութիւնն առնել : Թագաւորը իմանալով որ իր աղջիկը մեծ համարում ունի Խրձաւոր Ռիքէի վրայ, զոր ինքն ալ կը ճանչնար իբր խիստ մտացի ու խիստ իմաստուն իշխան մը՝ սիրով զայն փեսայ ընդունեցաւ : Յաջորդ օրն իսկ հարսնիքը կատարուեցաւ ինչպէս նախատեսած էր Խրձաւոր Ռիքէ, ու այն կարգադրութիւններուն համեմատ՝ զորս տնօրինած էր երկար տարիներ առաջ :

ԲԱՐՈՅԱԿԱՆ

Ինչ որ վեպիս մէջ տեսնուի՝
Ճշմարտսւթիւն մըն է յայտնի.

Սիրուած մէկուն ամէն ինչը գեղեցիկ է.
Նա կ'ունենայ խելք ու ձիրքեր ամէն կարգէ:



ՊԶՏԻԿ ԲԹՈՒԿԸ

LE PETIT POUSET

Ատենօք փայտահատ մը կար ու կինը՝
որոնք եօթը զաւակ ունէին, ամէնքն ալ մանչ.
առջինեկը տասը տարեկան էր միայն, ու
ամենէն պզտիկը՝ եօթը տարեկան։ Լսողը պիտի
զարմանայ որ փայտահատը այսչափ քիչ ժա-
մանակի մէջ ի՞նչպէս կրնար այսչափ շատ զա-
ւակ ունենալ, բայց անոր կինը շատ գործ
տեսնող մէկն էր, ու ամէն անգամուն երկու-
քէն պակաս զաւակ չէր ծներ։

Խիստ աղքատ էին անոնք, ու իրենց եօթը
զաւակները մեծ նեղութիւն կուտային, վասն
զի անոնցմէ ոչ մէկը ապրուստ ճարելու տա-
րիքին մէջ կը զանուէր։ Իրենց մէկ մեծ ցաւն
ալ այն էր որ ամէնէն պզտիկը խիստ զաղո-
նապահ մէկն էր ու խօսք չէր հաներ բերնէն.
անոր մտքին բարութիւնը տիմարութիւն կը
կարծէին։ Խիստ մանրուկ էր այդ պզտիկը,
որ աշխարհ եկած ատեն բթամատէ մ'աւելի
չէր երեւար. այս պատճառաւ Բթուկ (Պզտիկ
Բթամատ) անունը գրին անոր։

Այդ խեղճ տղան հեգնանքի, կատակներու
առարկայ էր միշտ, ամէն բանի մէջ զինք յան-
ցաւոր կը հանէին։ Սակայն իր բոլոր եղբայր-
ներէն աւելի նրբամիտ էր ու խոհական, և
եթէ քիչ կը խօսէր՝ զիտէր շատ մտիկ ընել։

Զախորդ տարի մը պատահեցաւ, ու սովը այնքան մեծ եղաւ որ այդ խեղճ ծնողքը որոշեցին իրենց զաւակները մէջտեղէն վերցնել : Իրիկուն մը մինչ պղտիկները պառկած էին ու փայտահատը կնոջը հետ կրակին քով նստած էր, ըստ անոր՝ սիրտը վիշտով համակուած .

«Կնի՛կ, կը տեսնես որ մեր զաւակներուն փորը չենք կրնար կշտացնել . չեմ կրնար հանդուրժել որ աչքիս դիմացը անօթութենէ մեռնին. ուստի որոշեցի վաղը զանոնք անտառ տանիլ, որպէս զի կորսուին հոն . գործը դիւրին պիտի ըլլայ : Անոնք տրցակները կապելու զբաղած ատեննին, մենք յանկարծ քովերնէն կը հեռանանք ու կը կորսնցնեն մեզ :

— Ո՞հ, ըստ կինը, կրնա՞ս ձեռքովդ անտառ տանիլ զաւկներդ, որպէս զի կորսուին : »

Փայտահատը իրենց մեծ աղքատութիւնը առաջ բերաւ, բայց ի զուր . կինը չէր կրնար հաւանիլ այդ բանին . — իրաւ, աղքատ էր, բայց նաեւ մայր էր : Սակայն մտածելով որ անոնց մեռնիլը տեսնել ի՞նչ մեծ թախիծ պիտի ըլլար սրտին՝ վերջապէս հաւանութիւնը տուաւ ու լալով մտաւ անկողին :

Պղտիկ Բթուկը լսած էր այս բոլոր խօսքերը, վասն զի ականջին այնպէս զալով՝ որ գործի վրայ կը խօսին՝ կամաց մը ելեր էր անկողնէն, սողոսկելով զացեր հօրը փայտեայ աթոռակին տակ մտեր էր, որպէս զի առանց տեսնուելու մտիկ ընէ այդ խօսքերը : Մտիկ ընելէ ետք, գնաց նորէն անկողին մտաւ ու բոլոր գիշերն

անքուն անցուց՝ շարունակ մտածելով թէ ի՞նչ կար ընելիք ու սա որոշումը տուաւ : Առտուն կանուխ ելլելով առուակի մը եզերքը գնաց ու շատ մը ճերմակ քարեր լ լեցնելով գըրպանը տուն դարձաւ : Փայտահատը ու տղաքն ամէնքը մէկ ճամբայ ելան ու Պղտիկ Բթուկը իր լսածներէն բան մը չյայտնեց եղբայրներուն :

Թանձրախիտ անտառ մը գացին՝ ուր տասը քայլ անդին իրար չէին կրնար տեսնել : Փայտահատը սկսաւ փայտ կտրել, ու տղաք ալ մանր ոստերը կը ժողվէին տրցակ կազմելու համար : Հայր ու մայր զանոնք զբաղած տեսնելով կամացուկ մը հեռացան քովերնէն, յետոյ նեղ զարտուղի ճամբէ մը աներեւոյթ եղան :

Տղաք ինքզինքնին մինակ մնացած տեսնելով սկսան լալ ու պոռալ : Պղտիկ Բթուկը թողուց որ պոռան, ինքը զիտէր թէ ո՞րն էր տան ճամբան, վասն զի քալած ատենը ճամբուն վրայ ձեռքէն զրպանը գտնուած ճերմակ պղտիկ քարերը ձգած էր . ուստի ըստ անոնց . «Մի՛ վախնաք, եղբայրներ, հայրիկն ու մայրիկը զմեզ հոս թողուցին . այլ ես զձեզ տուն կը տանիմ, ետեւէս եկէք : »

Եղբայրները ետեւէն զացին, ու միեւնոյն ճամբէն՝ որ անտառ եկած էին, զանոնք տուն տարաւ : Խեղճերը չէին համարձակեր ներս մտնելու, ամէնքն ալ դրան առջեւ շարուեցան կեցան, որպէս զի դուրսէն լսեն թէ ի՞նչ կը խօսէին հայրիկն ու մայրիկը :

Այն պահուն որ փայտահատն ու կինը տուն հասած էին՝ գիւղին ջոջը անոնց դրկեց տասն ոսկի պարաքը՝ որմէ յոյսերնին կտրած էին։ Այս ստակը ապահովեց անոնց կեանքը, վասն զի խեղճերը անօթութենէ կը մեռնէին, փայտահատը՝ կինը անմիջապէս մսավաճառին դրկեց։ Որովհետեւ շատոնց բան մը կերած չէին, երկու հոգիի ընթրիքին համար պէտք եղածէն երեք անզամ աւելի միս գնեցին։ Երբ կերան փորերնին կշտացաւ՝ փայտահատին կինը ըսաւ իր ամուսնոյն։ «Ափս՛ս, մարդ, արդեօք ո՞ւր են հիմայ մեր խեղճ տղաքը. մնացածով փորերնին լաւ մը պիտի կշտանար, ա՛խ, զետրոս, գուն պատճառ եղար անոնց կորսուելուն. ես քեզի ըսի թէ ետքը պիտի զղջանք։ Արդեօք այդ խեղճերը ի՞նչ կընեն անտառին մէջ։ Ափս՛ս, բիւր ափսոս. զայլերը կերած պիտի ըլլան զանոնք։ Շատ քարսիրտ մարդ ես որ այսպէս պատճառ եղար որ մեր զաւակները կորսուին։»

Վերջը վերջը փայտահատին համբերութիւնը հատաւ. վասն զի կինը գուցէ հարիւր անզամ կրկնեց ամուսնոյն թէ պիտի զղջար ըրածին վրայ, ու ինքը ըսած էր թէ պիտի զըդշար։ Փայտահատը ինքն ալ գուցէ կնոջմէն աւելի ցաւած էր ըրած բանին, այլ կինը իր յանդամանութիւններով գլուխը կը ճաթեցնէր, և ինքը շատերու նման այն բնութիւնը ունէր որ կը սիրեն լեզուանի խօսուն կիները, այլ չեն սիրեր այն կիները՝ որոնք միշտ ճշմարիտ բաներ կըսեն։

Փայտահատին կինը այսպէս խօսելով կուլար կ'ողբար։ «Ափս՛ս, արդեօք ո՞ւր են հիմայ զաւակներս, խեղճ զաւակներս։» Անզամ մ'ալ այնքան բարձր ձայնով ըսաւ որ տղաք դրան առջեւէն լսելով ամէնքը մէկ պոռացին։ «Հոս ենք, հոս ենք, մայրիկ։» Մայրիկը ուրախութեամբ վագեց գուռը բացաւ ու մէկիկ մէկիկ գրկելով գանոնք՝ ըսաւ. «Ո՞րքան ուրախ եմ, սիրելի զաւակներս, որ նորէն երեսնիդ կը տեսնեմ, խոնջած էք, փորերնիդ անօթի է, ու դուն, Գրիգորիկ, ո՞րքան վրադ գլուխդ ցեխոտեցեր ես, եկուր մաքրեմ քեզ։» Գրիգորիկը իր առջինեկ զաւակն էր՝ զոր միւսներէն աւելի կը սիրէր, վասն զէ երեսին գոյնը քիչ մը շէկ էր իրենին նման։

Տղաք սեղան նստան, ու հայր ու մայր մեծ հաճութեամբ տեսան թէ ի՞նչ ախորժակով կ'ուտէին։ Կը պատմէին իրենց սարսափը անտառին մէջ, ու ամէնքը միաժամանակ կը խօսէին։ Հայրիկ ու մայրիկ մեծ ուրախութեան մէջ էին իրենց զաւակները տան մէջ տեսնելով, ու այս ուրախութիւնը տեւեց այնքան որքան տեւեցին տասն ոսկիները։ Բայց երբ ստակը հատաւ նորէն իրենց առաջին ցաւին մէջ թաղուեցան ու դարձեալ որոշեցին անոնց կորուստը, և որպէս զի խորհուրդը լաւ յաջողութիւն գտնէ, որոշեցին առաջինէն աւելի հեռու տեղ տանիլ ձգել զանոնք։ Բայց բանը այնքան զալտնի կերպով չխօսեցան՝ որ Պատիկ Բթուկը չլսէ զայն։ Բթուկ իր հաշիւր ըրաւ առաջին անզամին պէս բանին մէջէն ելլելու հա-

մար, բայց թէպէտ առառուն կանուխ անկողնէն ելաւ երթալ քար ժողվելու համար՝ չկրցաւ մտածածը զլուխ հանել, վասն զի կրկին դարձուածքով փակուած էր դուռը, և ի՞նչ ընելը չէր գիտեր : Սակայն մայրիկը անոնց ամէն մէկուն նախաճաշի համար կտոր մը հաց տուած ըլլալով՝ մտածեց թէ քարելու տեղ իր հացը կրնար գործածել ճամբան փշրանքներ թափելով, ուստի հացը չկերաւ, գրպանին մէջ պահեց :

Հայր ու մայր անտառին ամենէն մութ ու թանձրախիտ կողմը տարին տղաքը, ու հասնելուն պէս՝ զանոնք հոն ձգելով իրենք ծածուկ ճամբէ մը կծիկը դրին : Պղտիկ Բթուկ մեծ ցաւ մը զգաց, վասն զի կը յուսար թէ դիւրաւ ճամբան պիտի գտնէր ամէն կողմ ցանած հացին միջոցով, բայց զարմացաւ մնաց հատ մ'իսկ փշրանք չգտնելով, վասն զի թըռչունները կերեր լմնցուցեր էին ամէնն ալ :

Խեղճ տղաք մեծ վիշտ զգացին այդ բանէն, քանզի որքան կը յառաջանային անտառին մէջ, այնքան աւելի կը մոլորէին : Գիշերը վրայ հասաւ, ու սաստիկ հով մ'ալ ելաւ, որ ահուդող կը պատճառէր : Իրենց ականջին այնպէս կուգար որ ամէն կողմէ գայլերու ոռնումներ կը լսէին և այդ զայլերը իբր թէ կուգային զիրենք ողջ ողջ լափելու . ո՛չ խօսիլ կը համարձակէին և ո՛չ իսկ գլուխնին դարձնել . սաստիկ անձրեւ մ'ալ եկաւ՝ ու թըրջեց խխում ըրաւ զիրենք . ամէն մէկ քայլ առնելուն

խեղճերը կը սահէին կ'իյնային ու տիղմի մէջ թաթխուած ոտք կ'ելլէին՝ չկրնալով ձեռքերնին գործածել :

Պղտիկ Բթուկ մագլցելով ծառի մը վրայ ելաւ՝ հեռուները դիտելու համար որ բան մը տեսնէ, և իրօք ալ գլուխը ամէն կողմ դարձնելով ճրագի մը պլպլուքը նշմարելու պէս եղաւ՝ որ խիստ հեռուն կը գտնուէր, անտառէն շատ անդին : Վար իջաւ ծառէն՝ ու ոտքը գետին կոխած ատեն՝ ա՛լ բան մը չտեսաւ, որուն համար մեծ ցաւ զգաց : Սակայն միջոց մը եղբայրներուն հետ քալելով դէպի լոյսին կողմը՝ անտառէն դուրս ելած պահուն զայն տեսաւ նորէն :

Վերջապէս ճրագին գտնուած տունը հասն մեծ ահուգողով, վասն զի շատ անգամ աչքէ կը կորսնցնէին զայն : Այս բանս կը պատահէր ամէն անգամ որ խորութեան մը մէջ կ'իջնային : Դուռը գարկին, ու պառաւ կին մը եկաւ բացաւ ու հարցուց թէ ի՞նչ կ'ուգէին : Պղտիկ Բթուկ ըստ թէ անտառին մէջ մոլորած խեղճ տղաքներ էին ու կը խնդրէին Աստծու սիրոյն այդ տունը պառկիլ այդ գիշեր : Պառաւը տեսնելով այս սիրուն տղաքը՝ սկսաւ լալ ու ըստ . «Վա՛խ, խեղճ տղաքներ, գիտէ՞ք ո՞ւր եկեր էք . դեւի մը տունն է այս՝ որ պղտիկ տղաքները կ'ուտէ կը լմնցէ :

— Ա՛խ, տիկին, պատասխանեց Պղտիկ Բթուկ՝ որ միւս եղբայրներուն պէս վախէն կը դողդղար . յայտնի բան է որ եթէ այս գիշեր զմեզ վար չդնէք՝ գայլերուն կեր պիտի ըլլանք.

այս այսպէս ըլլալով՝ աւելի կը նախընտրենք որ պարոնը մեզ ուտէ . եթէ իրեն աղաշանք ընէք՝ կարելի է մեղքնայ մեզի :

Դեւին կնիկը մտածեց որ մինչեւ առաւօտ ամուսինէն կրնայ պահել զանոնք, ու կրակին քով տարաւ որ տաքնան, վասն զի դեւին գիշերուան ընթրիքին համար ամբողջ ոչխար մը կար շամփուրին վրայ :

Կրակարանին քով տաքցած ժամանակնին մէյ մ'ալ յանկարծ երեք-չորս անգամ դրան սաստիկ զարնուիլը լսեցին . զարնողը դեւն էր : Կինը շուտով մը անկողնին տակ պահեց զանոնք ու զնաց դուռը բացաւ : Դեւը նախ և առաջ հարցուց թէ պատրաստ էր կերակուրը ու թէ զինի հանե՞ր էր մառանէն ու անմիջապէս սեղան նստաւ : Ոչխարը քիչ եփուած՝ արիւններու մէջ էր տակաւին . սակայն այս պատճառաւ աւելի համով երեւցաւ դեւին : Կը հոտուըտար աջ ու ձախ՝ ըսելով թէ թարմ միսի հոտ կ'առնէր : « Հորթ մը մորթեցի, ըսաւ կինը, կ'երեւայ թէ անոր հոտն է : »

— Կնիկ, թարմ միսի հոտ կ'առնեմ, կ'ըսեմ, կրկնեց դեւը ծուռ աչքով մը նայելով իր կնոջ. բան մը կայ զոր չեմ կրնար հասկնալ : » Այս ըսելով սեղանէն ելաւ ու շիտակ անկողնին կողմը զնաց :

« Վայ, զարշելի կնիկ, զիս խարել կ'ուզես եղեր . ի՞նչ բան կրնայ արգելք ըլլալ որ զքեզ ալ անոնց հետ պատռեմ ուտեմ . թէեւ թարմ բան մը չես, պառւած անասուն մ'ես :

Հոս անկողնին տակ լաւ որս կայ եղեր, ու ի՞նչ յարմար ատենին ալ ոտքովը եկեր է այս որսը . այս օրերս երեք դեւ բարեկամներ այցելութեան պիտի գան . անոնց համար լաւ հարկինք մը պիտի ըլլայ : »

Այս ըսելով անկողնին տակէն մէկմէկու ետեւէ հանեց զանոնք : Այդ խեղճերը առջեւը ծունը դրած զթութիւն կը հայցէին, բայց դեւերէն ամենէն անզութիւն հանդիպած էին . անիկա չմեղքնալէ զատ, հիմակուընէ աչքերով կ'ուտէր զանոնք, ու իր կնոջ կ'ըսէր թէ պատուական կերակուր մը պիտի ըլլար անոնց միսէն՝ եթէ լաւ թացան (սալցա) մը դնէր :

Գնաց խոշոր դանակ մ'առաւ, ու խեղճ տղաքներուն մօտենալով՝ ձեռքովը երկար քարի մը վրայ կը սրէր զայն : Ասոնցմէ մէկը բոնած էր արդէն՝ երբ կինը ըսաւ իրեն . « Ի՞նչ հարկ այս ժամուս մորթելու զանոնք, վտղը մորթես աւելի աղէկ չըլլա՞ր :

— Լոէ՛, կնիկ, կրկնեց դեւը, եթէ հիմայ մորթեմ՝ միսը վաղը աւելի կակուղ կ'ըլլայ ու համով կ'ուտենք :

— Բայց տակաւին շատ միսեր կան ուտուելիք, կրկնեց կինը, ահա հորթ մը, երկու ոչխար ու խոզի մ'ալ կէսը :

— Իրաւունք ունիս, կնիկ, ըսաւ ճիւտաղը, այս զիշեր լաւ ուտելիք տուր անոնց որ չնիհարնան, ու տա՞ր պառկեցուր :

Բարի կինը շատ ուրախ եղաւ ու անոնց լաւ ուտելիք բերաւ . բայց խեղճերը այն աս-

տիճան վախցեր էին՝ որ չկրցան բերաննին բան դնել . իսկ դեւը նորէն գիներուքի սկսաւ, ու շատ ուրախ էր որ լաւ սեղան մը պիտի հանէր բարեկամներուն : Սովորականէն երկոտասնեակ մը բաժակ աւելի կոնծեց, ու խմածը գլխին զարնելով պարտաւորեցաւ երթալ անկողին մտնել .

Դեւը եօթ աղջիկ ունէր՝ որոնք տակաւին պզտիկ էին : Այս պզտիկ դեւուհիները կայտառ դէմքեր ունէին, վասն զի թարմ միս կ'ուտէին իրենց հօրը նման . ունէին գորշ՝ կոկոր պզտիկ աշուըներ, կոր քիթ ու խիստ մեծ բերան մը, սաստիկ սուր ու իրարմէ հեռու ակուաներով : Խիստ չար չէին տակաւին, բայց յայտնի էր թէ ետքէն պիտի չարնային, վասն զի արդէն պզտիկ տղաքները գտած ատեննին կը խածնէին՝ անոնց արիւնը ծծելու համար : Մայրերնին կանուխկեկ պառկեցուցած էր զանոնք, ու եօթն ալ մեծ անկողնի մը մէջ կը գտնուէին, ամէն մէկը գլուխը ոսկի պսակով մը : Նոյն սենեակին մէջ միեւնոյն մեծութեամբ ուրիշ անկողին մ'ալ կար, ուր դեւին կինը այդ եօթը մանչերը պառկեցնելէ ետք, ինքն ալ գնաց անկողին մտաւ ամուսինին քով :

Պզտիկ Բթուկը որ գիտած էր թէ դեւին աղջիկները գլուխնուն վրայ ոսկի պսակներ ունէին, և կը վախնար որ չըլլայ թէ դեւը զիրենք նոյն զիշերը մորթած չըլլալուն համար զղայ, կէս զիշերին ելաւ անկողնէն ու

եղբայրներուն գտակները առնելով, կամացուկ մը դեւին եօթը աղջիկներուն գլուխին անցուց, ու անոնց ոսկի պսակներն ալ առնելով եղբայրներուն ու իր գլուխին վրայ դրաւ, որպէս զի դեւը մութին մէջ իր աղջիկները կարծէ զիրենք, ու իր աղջիկներն ալ եօթը մանչերը, զոր պիտի մորթէր : Գործը մտածածին պէս եղաւ . վասն զի դեւը կէս զիշերին արթննալով՝ զզջաց թէ ինչո՞ւ նոյն զիշերը ընելիքը յաջորդ օրուան թողուր, ու յանկարծ դուրս նետուեցաւ անկողնէն, ու իր խոշոր դանակը առնելով . «Երթանք տեսնենք, ըսաւ, թէ ի՞նչ վիճակի մէջ կը գըտնուին այդ պզտիկ լակոտները : Խարխափելով աղջիկներուն սենեակը գնաց ու մօտեցաւ տղոց անկողնին : Ամէնքը կը քնանային, բացի Պզտիկ Բթուկէն՝ որ շատ վախցաւ երբ դեւին ձեռքը իր գլուխը կը շօշափէր, ինչպէս արդէն շօշափեր էր եղբայրներուն գլուխները : Դեւը ոսկի պսակները շօշափելով՝ «Շիտակը, աղէկ գործ պիտի տեսնեմ եղեր, ըսաւ . կը հասկնամ թէ շափազանց շատ կոնծեր եմ երէկ զիշեր : » Այս ըսելով՝ աղջիկներուն անկողնին կողմը գնաց՝ որոնց գլուխներուն վրայ շօշափելով մանչերուն պզտիկ գտակները՝ «Հա՛, ըսաւ, աւասիկ մեր լակոտները, շուտով գործ տեսնանք » ու առանց ժամանակ անցընելու, իր եօթը աղջիկները մէկիկ մորթեց, ու տեսած գործէն խիստ գոհ՝ գնաց նորէն անկողնին մէջ պառկեցաւ :

Մեր Պղտիկ Բթուկը գեւին խորդալու ձայնը առնելո՛ւն պէս՝ եղբայրները արթնցնելով ըսաւ որ շուտով հագուին ու իր ետեւէն երթան։ Կամաց կամաց պարտէզ իջնելով պատին վրայէն ցատքեցին դուրս։ Բոլոր գիշերը վազելով կ'երթային դողն ի դող ու առանց գիտնալու թէ ո՞ւր կ'երթային։

Դեւը արթննալով՝ «Կսի՛կ, ըսաւ, գնա՞սա երէկ գիշերուան լակոտները եփելու պատրաստութիւնը տե՛ս։» Կինը վեր ելլելով՝ սոսկաց, մազերը տնկուեցան, տեսնելով իր եօթը աղջիկներն ալ մորթուած ու արիւններու մէջ թաթխուած։ Նախ ինկաւ մարեցաւ, (այսպիսի պարագաներու մէջ կիներուն առաջին գործը այդ կ'ըլլայ)։ Դեւը վախնալով որ կինը շատ չուշացնէ գործը՝ ինքն ալ վեր ելաւ որ օգնէ անոր, ու կնոջը պէս ապշեցաւ մնաց այս սոսկալի տեսարանը տեսնելով։ «Ա՛խ, այս ի՞նչ ըրեր եմ, պոռաց, ես կը ցուցնե՛մ այդ լակոտներուն, ու հիմա՞յ իսկ։»

Ու շուտով աման մը ջուր թափեց մարած կնոջը երեսին զոր ուշաբերած տեսնելով, «Շուտ, եօթ մղոննոց կօշիկներս բե՛ր, պոռագ, որ երթամ բոնեմ այդ լակոտները։

Իսկոյն ճամբայ ելաւ, ու ամէն կողմ վազելէ ետք վերջապէս այն ճամբան մտաւ՝ ուրկէ կը քալէին խեղճ տղաքները, որոնք իրենց հօրը տունէն հարիւր քայլ միայն հեռու կը զտնուէին։ Անոնք տեսան դեւը որ լեռնէ լեռ կ'արշաւէր, ու զետերը կը կտրէր կ'անցնէր որպէս թէ պղտիկ վտակներ ըլլային։

Պղտիկ Բթուկը գտնուած տեղերնուն մօտ խորունկ ժայռ մը տեսնելով՝ հոն պահեց եղբայրները ու ինքն ալ պահուըտեցաւ՝ դիտելով միշտ թէ դեւը ի՞նչ պիտի ընէր։ Դեւը խիստ յոգնած՝ պարապ տեղ դեգերած երկար ճամբաններէն (քանզի եօթը մղոննոց կօշիկները մարդս խիստ կը յոգնեցնեն), ուզեց քիչ մը հանգիստ առնել, ու դիպուածով գնաց նստաւ այն ժայռին վրայ՝ որուն մէջ տղաքները պահուըտեր էին։ Եւ որովհետեւ ա՛լ վազելու կարողութիւն չէր մնացած վրան՝ ժամանակ մը հանգիստ առնելէ ետք քունը տարաւ, ու այնքան սոսկալի կերպով սկսաւ խոկալ՝ որ խեղճ տղաք վախցան, գրէթէ այն աստիճան որ վախցած էին երբ անողորմ դեւը իր խոշոր գանակը բռներ էր զիրենք մէկիկ մէկիկ մորթելու համար։

Պղտիկ Բթուկը՝ որու վախը եղբայրներուն վախին չափ սաստիկ չէր, ըսաւ անոնց որ շուտով վախչին տուն երթան, քանի որ դեւը ասանկ խորունկ քուն մտեր էր, ու իրեն համար հոգ չընեն ամենեւին։ Այս խորհուրդին վրայ եղբայրները վազեցին հօրենական տունը մտան։ Այն ատեն Պղտիկ Բթուկ դեւին մօտենալով կամացուկ մը ոտքէն կօշիկները քաշեց հանեց ու ինք հագաւ։ Շատ խոշոր ու շատ լայն էին այդ կօշիկները, բայց որովհետեւ դեւի կօշիկներ հագնողին սրունքրուն համեմատ կը մեծնային ու կը պղտիկնային, կօշիկները սրունքներուն ճիշդ ու

ճիշտ եկան, որպէս թէ իրեն համար շինուած ըլլային :

Այդ կօշիկները հագած՝ գնաց դեւին տունը ուր գտաւ անոր կինը որ մորթուած աղջիկներուն քով արցունք կը թափէր :

« Ամուսինդ, ըսաւ, Պղտիկ Բթուկ, մեծ վտանգի մէջ է, գողերը բռներ են զինքը ու պիտի մեռցնեն եթէ իր ունեցած բոլոր ոսկին ու արծաթը իրենց չյանձնէ : Այն կէտին որ դաշոյնը կոկորդին վրայ բռներ էին՝ զիս նըշմարելով կանչեց ու աղաչեց որ զամ իր վիճակը տեղեկացնեմ, ու միանգամայն ըսեմ որ բոլոր արժէքաւոր բաները յանձնես, բան մ'ալ չպահելով, որպէս զի ազատի, եթէ ոչ զինք պիտի մորթեն անխնայ : Եւ որովհետեւ խիստ ստիպողական է գործը՝ ուզեց որ սա կօշիկներն հագնիմ, որպէս զի շուտով մը զամ քեզ գտնեմ, ու միեւնոյն ատեն հասկնաս որ ըսածս խարէութիւն չէ : »

Պառաւը սաստիկ վախցաւ ու Պղտիկ Բթուկի խօսքերուն հաւատալով՝ եղածը չեղածը ձեռքը յանձնեց, ինչու որ այդ գեւը խիստ լաւ էրիկ մ'էր՝ թէպէտ պղտիկ տղաքները կուտէր անկուշտ կերպով : Այսպէս Պըզտիկ Բթուկ գեւին բոլոր հարստութեան տէր եղած՝ դարձաւ հօրը տունը եկաւ՝ ուր մեծ ցնծութեամբ ընդունեցին զինք :

Շատեր այս վերջին պարագային համակարծիկ չեն գտնուիր, ու կ'ըսեն թէ Պղտիկ Բթուկ գեւէն այս գողութիւնը ըրած չէ . և

եթէ եօթը մղոննոց կօշիկներն առնելու խիղճ չէ ըրած՝ իր պղտիկ եղբայրները երթաւ գտնելու համար էր միայն : Այս վկայութիւնը տուղներն՝ ըսածնին լաւ տեղէ իմացած ըլլալնին կը հաւաստեն, ու նոյն իսկ փայտահատին տունը կերած իմած մարդիկներ են : Անոնք այնպէս կը պատմեն թէ Պղտիկ Բթուկ դեւին կօշիկները հագնելուն՝ արքունիք գացեր է, ուր զիտէ եղեր թէ մեծ հնհնուքի մէջ կը գտնուին բանակին համար՝ որ երկու հարիւր մզոն հեռուն կը գտնուէր, ինչպէս նաեւ մղուած պատերազմին ելքին մասին : Անոնք կ'ըսեն թէ Պղտիկ Բթուկ գացեր թագաւորը գտեր ու ըսեր է որ եթէ կը փափաքի՝ ինք կընայ իրիկուն չեղած բանակին վրայօք լուրեր բերել : Այս կերպով ճանչցուած ու գնահատուած՝ նա շատ դրամ կը վաստկէր, վասն զի թագաւորը մեծ վճարումներ կ'ընէր իրեն, որպէս զի իր հրամանները հասցնէ բանակին, ու շատ կիներ՝ ինչ որ ուզէր կուտային ամէն յօժարութեամբ իրենց սիրականներէն լուր առնելու համար . ու իր ամենէն մեծ վաստակը այդ կողմէն է եղեր . իսկ այն կիները՝ որ իրենց ամուսիններուն ուղղուած նամակ կուտային՝ այնքան չնչին վճարումներ կ'ընէին՝ որ այդ կողմէ շահածը հաշիւի չէր առներ անգամ :

Պղտիկ Բթուկ ժամանակ մը այսպէս սուրհանգակի պաշտօն կատարելէ ու շատ դրամ շահելէ ետք՝ դարձաւ հօրը տունը՝ ուր անկա-

ըելի է երեւակայել թէ ի՞նչ մեծ ուրախութիւն զգացին զինք իրենց մէջ տեսնելով : Իր հօրն ու եղբայրներուն համար , սպասարկութեանց պաշտօններ ծախու առաւ , որոնք նոր հաստատուած էին , այս կերպով լաւ դիրք տուաւ անոնց ամէնուն , ու միեւնոյն ժամանակ արքունեաց մէջ կրցաւ իր գործը շարունակել :

ԲԱՐՈՅԱԿԱՆ

Ծնողի բնաւ ցաւ չեն զգար
Եթէ աղուու ու շնորհենով են զաւակներ
Սակայն եթէ անոնցմէ մին ըլլայ տկար՝

Բան չեն լսեր՝
Զայն կ'անգոսնեն
Կ'արհամարհեն .

Քայց երբեմն այդ խլէզը զոր ժամանեցին,
Երջանկութիւնը կը կազմէ ընտանիքին :

ԻՇՈՒ ՄՈՐԹ

PEAU D'ANE

Ատենով թագաւոր մը կար այնքան մեծ
այնքան սիրուած իր ժողովուրդէն, այնքան
յարգուած իր բոլոր դաշնակիցներէն ու դրա-
ցիներէն՝ որ կրնար ըսուիլ թէ բոլոր թագա-
ւորներուն մէջ էն մեծն ու էն երջանիկն էր :
Անիկա թէ զեղեցիկ ու թէ առաքինի իշխա-
նուհի մ'ընտրած՝ կին առած էր, և այս բարե-
բախտ ընտրութեամբ իր երջանկութիւնը
աւելի հաստատուած գտնուեցաւ : Այս երջա-
նիկ ամուսինները կատարեալ միաբանութեան
մէջ կ'ապրէին : Իրենց մաքուր միութենէն
աղջիկ մը ծնած էր այնքան չքնաղ ու շնոր-
հալի՝ որ ա'լ չէին ցաւեր թէ ինչո՞ւ ուրիշ
զաւակներ չունենային :

Փառք, ճաշակ ու առատութիւն կը տի-
րէին իր պալատին մէջ . նախարարները իմաս-
տուն էին ու ճարտար, պալատականները
առաքինի ու տիրասէր, սպասաւորները ժիր ու
հաւատարիմ, ախոռները ընդարձակ ու աշ-
խարհի ամենէն զեղեցիկ ձիերով լեցուն՝
որոնք ամենաճոխ ծածկոյթներ կը կրէին : Այն
օտարականները որոնք այդ զեղեցիկ ախոռ-
ներուն վրայ զմայլելու կուգային, մէկ բանի
վրայ զարմացած կը մնային . ախոռին ամենէն
յայտնի մէկ տեղը՝ էշ մը իր մեծ ու երկար
ականջները կը ցուցադրէր : Թագաւորը չէ թէ

քմայքով՝ այլ իրաւունքով՝ յատուկ ու նշանաւոր
տեղ մը տուած էր իշուն : Այդ հազուագիւտ կեն-
դանիին յատկութիւնները ամէն պատուի ար-
ժանի էին, որովհետեւ բնութիւնը այնպիսի
արտակարգ կազմութիւն մը տուած էր անոր՝ որ
իր խշտիքը աղտոտ ըլլալու տեղ ամէն առտու
ամէն տեսակ փայլուն ոսկիներով ծածկուած
կ'ըլլար՝ զոր առտունները կը ժողվէին :

Արդ՝ որովհետեւ կենցաղի փոփոխութիւն-
ները թէ՛ հպատակներու և թէ՛ նոյն իսկ թա-
գաւորներու վրայ կը տարածուին՝ ու ամէն
բարիք չարիքով մը խառնուած կ'ըլլայ միշտ,
երկինք թոյլ տուին որ թագուհին յանկարծ
գէշ հիւանդութեամբ մը բռնուի՝ որուն բժիշկ
ու գիտութիւն չկրցան ճար մ'ընել . թաղծու-
թիւնը ընդհանուր եղաւ : Թագաւորը զգայուն
ու սիրող սրտի տէր — թէպէտ հոչակաւոր
առած մը կայ թէ ամուսնութիւնը սիրոյ գե-
րեզմանն է — չափազանց վիշտով համակուած՝
տէրութեան ամէն տաճարներուն ուխտեր կ'ը-
նէր, իր կեանքը տալու պատրաստ էր որ իր
սիրեցեալ ամուսնոյն կեանքը փրկուի, այլ
պարապ տեղ աստուածներն ու նա'եւ պարիկ-
ները օդնութեան կը կանչուէին : Թագուհին
իր մահը մօտ զգալով՝ ըսաւ իր ամուսնոյն որ
դառն արցունք կը թափէր .

«Սիրելի ամուսինս, թոյլ տո՛ւր որ մեռ-
նելէ առաջ բան մը պահանջեմ քեզմէ . պա-
հանջածս սա՛ պիտի ըլլայ որ եթէ երբէք փա-
փաք զգաս նոր ամուսնութիւն մը կնքե-
լու . . . » :

Այս խօսքերուն վրայ թագաւորը աղիողորմ ձայներ ձգեց, բռնեց կնոջը երկու ձեռքերը, արցունքներով ողողեց, և փստահեցնելով զայն թէ երկրորդ ամուսնութեան խօսք ընել աւելորդ էր բոլորովին՝

«Ո՞չ, ո՞չ, սիրելի թագուհի, ըսաւ: Վերջապէս, աւելի լաւ է որ քու ետեւէդ զալու խօսքն ընես ինձի:»

— Տէրութիւնը, կրկնեց թագուհին, այնպիսի հաստատակամ ձեւով մը՝ որ արքային կոկիծ կաւելցնէր, տէրութիւնը յաջորդներ պիտի փնտոէ քեզմէ, որովհետեւ աղջիկ մը միայն տուած եմ քեզ, պիտի ստիպէ, թախանձէ որ մանչ զաւակներ ունենաս. բայց ես ալ թախանձանօք կը խնդրեմ քեզմէ, յանուն վրաս ունեցած մեծ սիրոյդ, որ ժողովրդեան փափաքր այն ատեն միայն կատարես՝ երբ գտնես ինձմէ աւելի զեղեցիկ ու վայելուչ կին մը. կուզեմ որ այս բանիս վրայ երդում ընես, այն ատեն գոհ սրտով պիտի մեռնիմ:»

Այնպէս կ'ենթագրուի որ թագուհին արժանապատուութեան ոգուով պահանջեր էր այս երդումը՝ չկարծելով բնաւ թէ աշխարհի վրայ իրեն հաւասարող կին մը գտնուի երբէք ու միտքը դնելով որ այդ կերպով ապահովութիւն պիտի ունենար որ թագաւորը չպիտի կնքէր երկրորդ ամուսնութիւն: Վերջապէս մեռաւ: Ամուսին մը երբէք այնքան վայնասուն ձգած չէ. — գիշեր ցորեկ լալ, հեծեծել, այրիութեան այդ պղտիկ իրաւունքները ժամանակ մը իր միակ զբաղութիւն եղան:

Մեծ վիշտերը երկար տեւողութիւն չեն ունենար: Տէրութեան աւագանին զումարուելով խմբովին դիմում ըրաւ թագաւորին՝ խնդրելու համար որ յօժարի նորէն ամուսնանալ: Այս առաջին առաջարկութիւնը խիստ ծանը երեւցաւ իրեն ու նոր արցունքներ թափեց: Կնոջը ըրած երդումը յառաջ բերաւ, ու բոլոր խորհրդականները ասպարէզ կանչեց որ եթէ կրնան՝ վախճանեալ թագուհիէն աւելի գեղեցիկ ու շնորհալի իշխանուհի մը գտնեն. միտքը դրած էր որ անկարելի բան մ'էր այն: Այլ ժողովը պարապ խօսքի մը տեղ դրաւ անիկա ու ըսաւ թէ գեղեցկութիւնը այնքան կարեւորութիւն ունեցող բան մը չէր, միայն թէ թագուհին ըլլայ առաքինի ու մանաւանդ ծննդաբերութեամբ բեղուն, թէ տէրութիւնը իր հանգիստին ու հանդարտութեան համար արու իշխանազուններու պէտք ունէր. թէ ճըշմարիտ էր որ արքայազուն օրիորդը մեծ թագուհի մ'ըլլալու համար ամէն յատկութիւններն ունէր, բայց պէտք կ'ըլլար օտար արքայազուն մ'ընտրել իբր անոր ամուսին, և թէ այն ատեն այդ օտարականը կամ իր հայրենիքը պիտի տանէր զայն, ու կամ՝ եթէ մեր բամբիշին հետ թագաւորէր՝ իր զաւակները միեւնոյն արիւնէ ծնած չպիտի ըլլային, և թէ իր անունը կրող իշխան մը չգտնուելով՝ մօտակայ ազգերը իրենց գլուխը պատերազմներ պիտի հանէին՝ որու հետեւանքը պիտի ըլլար տէրութեան կործանումը: Թագաւորը այս դիտողու-

թիւններէն ազդուած՝ խոստացաւ որ զանոնք զոհ ընելու պիտի աշխատէր :

Եւ իրացնէ ալ կարգցու իշխանուհիներու մէջէն իրեն յարմարելիք կինը փնտուց։ Ամէն օր գեղեցիկ կենդանագիրներ կը բերէին իրեն, այլ անոնցմէ ոչ մին վախճանեալ թագուհիին գեղեցկութիւնն ու շնորհն ունէր, որով չէր կրնար որոշում տալ դժբախտաբար։ Մտածեց որ իր աղջիկը՝ արքայազուն իշխանուհին՝ չէ թէ միայն սքանչելի կերպով գեղեցիկ էր ու ձեւաւոր՝ այլ նաեւ վախճանեալ թագուհի մայրը կը գերազանցէր իսկ՝ թէ՛ խելքով և թէ՛ շնորհքով։ Այս մտածմամբ այնքան վառուեցաւ, բորբոքեցաւ սիրտը որ արքայազուն բամբիշէն չկըցաւ բանը ծածկել, ու ըսաւ թէ հետը ամուսնանալու որոշում ըրածէր, քանզի իրմով միայն կրնար ըրած երդումէն արձակուիլ։

Առաքինի ու ամօթխած իշխանուհին այս սոսկալի առաջարկը լսելով քիչ մնաց պիտի իյնար նուալէր։ Թագաւոր հօրը ոտքն ինկաւ, իր հոգւոյն բոլոր ուժովը պաղատելով որ չըռնադատէ զինք այսպիսի ծանը մեղք մը գործելու։

Թագաւորը՝ այս այլանդակ խորհուրդը յղացած՝ ծերունի քուրմի մը խորհուրդ հարցուցեր էր բամբիշին խիղճը հանդարտեցնելու համար։ Այս քուրմը որ աւելի փառասէր էր քան թէ երկիւղած, անմեղութեան ու առաքինութեան շահը զոհեց մեծ արքայի մը խոր-

հըրդականն ըլլալու պատուոյն, ու այնքան ճարտարութեամբ սողոսկեցու մտաւ անոր մտքին մէջ, այնքան թեթեւցուց գործելիք մեղքը, որ զայն համոզեց անգամ թէ բարեպաշտական գործ մ'էր իր աղջկան հետ ամուսնանալը։ Թագաւորը այդ անզգամին խօսքերէն ողոքուած՝ գրկեց զայն ու իր խորհուրդին աւելի քան երբէք յամառութեամբ կառչած՝ բաժնուեցաւ քովէն ու երիտասարդ իշխանուհիին հրաման զրկեց ամուսնութեան պատրաստուելու։

Իշխանուհին՝ բուռն թախիծով համակուած՝ մտածեց որ երթայ իր կնքամայրը՝ եղեւանիներու պարիկը զտնէ՝ անոր խորհուրդ հարցնելու համար։ Այս խորհուրդով նոյն զիշերն իսկ ճամբայ ելաւ խոշոր ոչխարէ մը լծուած սիրուն կառքով մը — այդ ոչխարը ճամբաները զիտէր — ու հասաւ պարիկին քով որ մեծ սէր ունէր իր վրայ, և որ ըսաւ անոր թէ իր ըսածները զիտէր արդէն, թէ հոգ ընելու քան չկար, ու չարիք չպիտի պատահեր իրեն եթէ տալիք պատուէրը հաւատարմութեամբ գործ դնէր։ «Վասն զի, սիրելի զաւակս, ըսաւ, հօրդ հետ ամուսնանալը ծանը մեղք մը պիտի ըլլար քու կողմէ։ առանց անոր հակառակելու կրնաս այդ մեղքէն ազատիլ։ ըսէ՛ իրեն թէ քմահաճոյք մ'ունիս, այդ քմահաճոյքը գոհացնելու համար պէտք է որ օդի գոյն պարեգօտ մը տայ քեզի։ իր բոլոր սիրովն ու բոլոր իշխանութեամբ չպիտի կարողանայ այդ քանն ընել։»

Իշխանուհին մեծ շնորհակալութիւն յայտնեց կնքամօրն և հետեւեալ օրն իսկ պարիկին տուած խորհուրդը յայտնեց թագաւորին և ըսաւ թէ մինչեւ որ օդի գոյնով պարեզօտ մը չունենայ՝ հաւանութեան բառ մը չպիտի ելլէ բերնէն : Թագաւորը աղջկանը տուած յոյսէն սաստիկ ուրախացած ամենէն անուանի վարպետները ժողվելով՝ այդ պարեզօտը ապրսպրեց, սպառնալով որ եթէ չկարենային յաջողիլ՝ զանոնք կախել պիտի տար ամէնքն ալ : Սպառնալիքը գործադրել հարկ չեղաւ. երկրորդ օրն իսկ այդ փափաքելի պարեզօտը բերուեցաւ իրեն : Երկինքը երբ ոսկեզոյն ամպերէ ծածկուի՝ այնքան գեղեցիկ կապուտակութեամբ մը չերեւար՝ որքան այդ աղուոր պարեզօտը երեւցաւ՝ երբ զայն տարածեցին արքային առջեւ, իշխանուհին մեծ ցաւ զգաց ու չէր գիտեր թէ բանին մէջէն ի՞նչպէս պիտի ելլէր : Թագաւորը կ'ստիպէր զինքը որ վերջնական խօսքը տայ : Հարկ եղաւ նորէն գիմել կնքամօրը : Սա՝ զարմացած որ բանը անյաջող գացեր էր՝ խորհուրդ տուաւ որ այս անգամ փորձ փորձէ լուսնի գոյն պարեզօտ մը ուղելու :

Թագաւորը որ միշտ կ'ուզէր գոհ ընել զինք, ամենէն ճարտար վարպետները բերել տալով՝ խիստ ստիպողական կերպով լուսնի գոյն պարեզօտ մ'ապսպրեց՝ որ քսանեւչորս ժամ չանցած պատրաստուած էր արդէն :

Բամբիշը թագաւոր հօրը ցոյց տուած փութկոտութենէն աւելի թէպէտ այս սքանչելի պարեզօտին հայար ուրախացած էր, իր նաժիշտներուն ու ստնտուին հետ գտնուած ժամանակը սրտին մեծ ցաւը յայտնեց :

Եղրեւանիներու պարիկը՝ որ տեղեակ էր եղածին, վշտահար իշխանուհին օգնութեան հասնելով՝ ըսաւ .

«Եթէ չեմ սխալիր՝ թագաւոր-հայրդ այդ անշահ խորհուրդէն պիտի յաջողինք պաղեցնել՝ եթէ արեւու գոյն պարեզօտ մ'ուզես, վասն զի կարելի չպիտի ըլլայ այսպիսի պարեզօտ մը պատրաստել, կամ գոնէ ժամանակ պիտի. վաստկինք : »

Բամբիշը ընդունեցաւ պարիկ կնքամօր խորհուրդը ու արեւու գոյն պարեզօտ ուզեց հօրմէն : Սիրատենչ թագաւորը իր թագին բոլոր աղամանղները և սուտակները տուաւ այդ հոյակապ պատրաստութեան օգնելու, հրաման արձակելով որ այդ պարեզօտը արեւու հաւասարեցնելու համար բան մը չինայուի : Եւ իրօք երբ պատրաստուած պալատ բերուեցաւ՝ զայն տեսնողներու աչքերը շանալէ կը զոցուէին : Այս ժամանակէն հնարուեցան կանանչ ակնոցները ու սեւ ապակիները : Ասիկա տեսնելով ի՞նչ ըրաւ իշխանուհին, ստուգիւ այսքան գեղեցիկ ու այսքան վարպետութեամբ շինուած բան մը տեսնուած չէր երբէք :

Շփոթեր մնացեր էր, ու աչքի ցաւ

պատրուակելով ամօթով քաշուեցաւ իր սենեակը ուր պարիկը զինք կը սպասէր արդէն : Գործը աւելի գէշի գնաց, քանզի կը քամայր պարիկ արեւու գոյն պարեզօտը տեսնելով սաստիկ բարկացաւ :

«Ո՞հ, այս անգամ, աղջիկս, ըսաւ, թագաւոր հօրդ անարդ սէրը ահազին փորձութեան մը մէջ պիտի դնեմ : Անիկա յամառեր մնացեր է այդ ամօթալի ամուսնութեան խորհուրդով՝ զոր կը կարծէ թէ գլուխ պիտի հանէ ընդհուպ, բայց կարծեմ թէ պիտի ապշի մնայ երբ սա խնդրանքն ընես իրեն . ելես կաշին ուզես այն իշուն՝ զոր այնքան կը սիրէ և որուրոլոր ծախքերուն համար հարկ եղած դրամը կը հայթայթէ լիօրէն . գնա՛ ըսէ իրեն թէ այդ կաշին կ'ուզես : »

Բամբիշը յետին աստիճանի ուրախ որ այդ ատելի ամուսնութիւնը ի դերեւ հանելու համար այսպիսի զօրաւոր միջոց կը տրուէր իրեն, այնպէս կը կարծէր թէ թագաւոր հայրը իր սիրական էշը զոհելու որոշում չպիտի կրնար տալ երբէք : Գնաց գտաւ զայն ու այդ անզուգական կենդանիին մորթն ունենալու իր մեծ փափաքը յայտնեց : Թագաւորը շատ զարմացաւ անոր այդ քմահաճոյքին համար, ու զանիկա զոհ ընելու չփարանեցաւ բնաւ : Խեղճ էշը զոհուելով՝ մորթը բերուեցաւ իշխանուհիին՝ որ իր դժբախտութեան առաջքն առնելու ալ միջոց մը մնացած չըլլալը տեսնելով՝ յուսա-

հատութեան մէջ ինկած էր՝ երբ կնքամայր պարիկը հասաւ նորէն օգնութեան :

«Այդ ի՞նչ կ'ընես, աղջիկս, ըսաւ, տեսնելով որ իշխանուհին մազերը կը փետտէր ու ձեռքի հարուածներ կուտար այտերուն, զանոնք կապուտցնելու աստիճան : Քու կեանքիդ ամենէն երջանիկ մէկ ժամն է աս . Այդ կաշիով բոլոր մարմինդ ծածկած ելի՛ր այս պալատէն, ու մինչեւ վերջը գնա՛ քալէ աշխարհի վրայ, երբ մէկը ամէն բան կը զոհէ առաքինութեան՝ աստուածները կը վարձատրեն անվրէպ զայն : Ճամբայ ելի՛ր, գնա՛, ամէն տեղ, արդուզարդդ կը հոգամ ես, ուր որ կանգ առնես՝ հազուստներդ ու գոհարեղէններդ պարունակող արկղիկը գետնին տակէն հետդ պիտի զայ . ահա մոգական գաւազանս ալ կուտամքեզի . երբ արկղիկիդ պէտք ունենաս՝ այս գաւազանը զարկ գետնին ու ան պիտի երեւայ իսկոյն, բայց շուտ, ճամբայ ելի՛ր : »

Իշխանուհին հազար անգամ իր կնքամայրը համբուրելով աղաչեց որ զինքը ձեռքէ չթողու . իշու անշահ կաշին վրան առաւ, բուխերիկի մուրով մրոտեց երեսը, ու առանց մէկէ մը ճանչցուելու դուրս ելաւ պալատէն :

Բամբիշին բացակայութիւնը մեծ շշուկ հանեց քաղաքին մէջ . թագաւորը որ փառաւոր հանդէս մը պատրաստել տուած էր, մեծ յուսահատութեան մը մատուած՝ կը մնար անմիթար : Հարիւրաւոր ոստիկաններ, հազարաւոր հրացանակիրներ ճամբայ հանեց որ եր-

թան իր աղջիկը փնտուեն, բայց զայն պաշտպանող պարիկը անտեսանելի կ'ընէր զայն ամէն հետագօտութիւններէն։ Ուստի հարկ եղաւ որ համակերպի իր բախտին։

Այս միջոցին բամբիշը ճամբայ կ'ընէր շարունակ։ Հեռուները, խիստ ներսերը երթալով ապաստանարան կը փնտուէր. բայց թէպէտ զթութենէ շարժած ուտելիք կուտային, այլ սոսկալի աղտոտութեանը պատճառաւ ոչ մէկը կ'ուզէր ներս ընդունիլ զայն։ Քալելով, քալելով վերջապէս գեղեցիկ քաղաք մը հասաւ, որու մուտքին վրայ ագարակ մը կը գտնուէր։ Ազարակապանուհին ջնջանները լուալու, հընդկահաւերու տակը ու խոզերու կուրը մաքրելու համար պնակալուացքի մը պէտք ունէր։ Այդ կինը անոր վրայ-զլուխի աղտոտութիւնը տեսնելով առաջարկեց իր քով ծառայութեան մտնել։ Բամբիշը այնքան յոզնած էր՝ այնքան յոզնած՝ որ մեծ սիրով ընդունեց այդ առաջարկը։ Խոհանոցին մէկ հեռաւոր անկիւնը դրին զայն։ Իշու իր մորթը ա՛յնքան աղտոտ, ա՛յնքան զզուելի դարձուցած էր խեղճ իշխանուհին՝ որ առջի օրերը սպասաւորներու կոշտու անվերջ կատակներուն նշաւակ կ'ըլլար։ Վերջապէս աչքերնին վարժուեցաւ զայն տեսնելով. ասկէ զատ իր պարտականութեանց այնքան լաւ ուշադիր էր որ ազարակապանուհին պաշտպանութեանը տակ առաւ զինքը։ Ոչխարները կ'առաջնորդէր, հարկ եղած տեղը կը մակաղէր, հնդկահաւերը այնքան լաւ կեր-

պով արածելու կը տանէր՝ որպէս թէ երբէք ուրիշ գործ ըրած չըլլար կեանքին մէջ. այս կերպով ամէն ինչ արդիւնաւոր կ'ըլլար իր ձեռքին մէջ։

Յստակ աղբիւրի մը քով նստած իր տխուր վիճակին վրայ կ'ողբար ստէպ. օր մը ուզեց ջուրին մէջ նայիլ. — իշուն գարշելի մորթը՝ որով գլուխն ու մարմինը պատած էր, սուկում պատճառեց իրեն, ու վրայ-գլուխին ամչնալով, լուաց, մաքրեց դէմքն ու ձեռուեները՝ որոնք փղոսկրէ աւելի ճերմակ երեւցան ու երեսին գոյնը իր բնական թարմութիւնը գտաւ։

Ինքզինքը այն աստիճան աղուոր տեսնելով ա՛յնքան ուրախացաւ, այնքան ուրախացաւ որ սիրտն ուզեց լոգանք մ'առնել ու առաւ. բայց ազարակ գառնալու համար հարկ եղաւ որ այն անպիտան կաշին դարձեալ վրան անցընէ։ Բարեբախտաբար հետեւեալ օրը տօն էր. ուստի ժամանակ գտաւ իր արկղիկը դուրս հանելու, յարդարանքն ընելու, իր գեղեցիկ մազերուն թեթեւ մը բրինձի փոշի ցանելու, ու օդի գոյն իր աղուոր պարեզօտը հագնելու։ Ա՛յնքան փոքր էր իր սենեակը ու այդ աղուոր պարեզօտին քղանցքը չէր կը նար ազատ տարածուիլ։ Գեղեցիկ իշխանուհին հայելիին մէջ նայելով ինքն ալ հաւնեցաւ ինքզինքին, ա՛յնքան հաւնեցաւ որ միտքը դրաւ ժամանցի համար կիրակի ու տօն օրերը ետեւէ ետեւ իր գեղեցիկ պարեզօտները հագնելու, ու այդպէս ալ ըրաւ։ Մեծ

ձարտարութեամբ ծաղիկներ ու աղամանդներ կը խօթէր մազերու , կը հառաչէր ստէպ թէ ինչո՞ւ իր ոչխարներն ու հնդկահաւերը միայն տեսնէին իր աղուրութիւնը , թէպէտ անոնք իշու այն գարշելի մորթով ալ կը սիրէին զինքը : Արդէն ազարագին մէջ իշու Մորթ անունով կը ճանչնային զինք :

Տօն օր մը, որ իշու Մորթ իշխանուհին արեւու գոյն պարեզօտը հազած էր՝ թագաւորին տղան՝ որ այդ ազարակին տէրն էր , որսէ դարձած ատեն հանգչելու համար պահ մը հոն իշաւ : Այս իշխանը նորատի էր, գեղանի ու բարեձեւ, հայրն ու մայրը հոգի կուտային վրան, նոյնպէս և ժողովուրդը սաստիկ կը սիրէր զինքը : Դաշտային նախընթրիք մը մեծարուեցաւ այդ արքայազուն իշխանին , որ ետքէն վայրագաւիթներն ու բոլոր ծակուծուկերն պտշտելու ելաւ : Այսպէս մէկ կողմէն միւսը շրջած ատեն մթագին ծառուղի մը մտաւ՝ որուն ծայրը փակ դուռ մը կը զըտնուէր : Հետաքրքրութեամբ կղպաքին ծակէն նայելով՝ այդ հրաշագեղ իշխանուհին տեսաւ որ ճոխաբար հազուած՝ կարծես առառուան հիւր մ'ըլլար : Այդ պահուն զինք վառող բորբոքող բուռն զզացման թափով պատրաստ էր դուռը կոտրելու՝ եթէ այդ հիանալի անձին նկատմամբ խորունկ յարգանք մը զզացած չըլլար :

Սիրտը չուզելով դուրս ելաւ այդ մուայլ ու մթագին ծառուղիէն , և ուզեց հարցնել տեղեկանալ թէ ո՞վ էր այն պատիկ խուցին մէջ

բնակողը : Իրեն ըսին թէ իշու Մորթ անուն կրող աղջիկ մ'էր՝ պնակները լուացող , ու այդ անունով ճանչցուելուն պատճառն այն էր որ իշու կաշիի մը մէջ պլուած էր , ու ինքը այնքան աղտոտ , ա'յնքան ա'յնքան կեղտոտ մէկն էր՝ որ ոչ մէկը կը նայէր կամ հետը կը խօսէր , և գթութենէ շարժեալ ազարակն ընդունուած էր , ոչխարներն ու հնդկահաւերը նայելու համար :

Այս բացատրութենէն գոհ եղաւ իշխանը , տեսաւ թէ այդ կոշտ մարդիկը ատկէ աւելի բան չէին գիտեր . ուստի անոնց աւելի երկար հարցուփորձեր ընելը աւելորդ երեւցաւ իրեն : Թագաւոր հօրը պալատը գարձաւ սաստիկ սիրահարուած այդ չնաշխարհիկ էակին՝ զոր կըղպաքի տակէն տեսեր էր , և որ աստուածութիւն մը երեւցած էր իր աչքին , զզջաց թէ ինչո՞ւ դուռը զարկած չըլլար , ու միտքը դրաւ որ ուրիշ անգամ երեսը չտեսած ու հետը չխօսած ետ չդառնայ : Այլ բուռն սիրահարութենէն արիւնը եռուզեռ՝ նոյն գիշերը անանկ սաստիկ տենդ մ'ունեցաւ՝ որ վախցաւ թէ պիտի մեռնէր : Իր մայրը՝ թագուհին՝ որ այդ զաւակը միայն ունեցած էր , յետին յուսահատութեան մէջ կը գտնուէր , տեսնելով որ գեղ ու դարման ամենեւին օգուտ մը չէին ունենար : Խոստում չէր մնար որ չընէր բժիշկներուն՝ որպէս զի սիրական զաւկին դարման մը զըտնէին , այլ ի զուր . իրենց բոլոր ճարտարութիւնը ի զործ կը դնէին . սակայն երիտասարդ

իշխանը միշտ նոյն յուսահական վիճակին մէջ
կը մնար :

Վերջապէս բժիշկները գուշակեցին թէ իշխանազունին այս ծանր վիճակին պատճառը
սոսկալի թախիծ մ'էր, ու այսպէս ըլլալը գացին իմացուցին թագուհիին . ասիկա սիրտը
մայրական բուռն զորովով զեղուն՝ եկաւ աղաչեց, պաղատեցաւ իր զաւկին որ վշտին պատճառը յայտնէ. եթէ նոյն իսկ արքայական թագը
կը ցանկար՝ իր թագաւոր հայրը յօժարակամ պիտի հրաժարէր աթոռէն՝ որպէս ինքը նսաի .
եթէ իշխանուհիի մը աչք ունէր՝ անոր թագաւոր հօրը հետ պատերազմի մէջ իսկ ըլլային, թշնամութեան մեծամեծ պատճառներ ունենային անոր դէմ, փափաքը կատարելու համար ամէն զոհողութիւն ընելու պատրաստէին . իր աղաչանքը, պաղատանքը այն էր որ
այսպէս ինքնակամ չդիմէր մահուան վասն զի իրենց կեանքը իր կեանքէն կախեալ էր :

Թագուհին այս սրտառուչ խօսքերը խօսելով արցունքի հեղեղներով իշխանին երեսը կ'ողողէր : « Մայրիկ, ըսաւ վերջապէս իշխանազունը ամենատկար ձայնով մը . ես այնքան խորթացած զաւակ մը չեմ որ հօրս զահին աչք ունենամ . տա՞ր երկինք որ հայրս երկար տարիներ ապրէր, ես մինչեւ վերջը իր հպատակներէն ամենէն հաւատարիմն ու ամենէն յարգալիցը պիտի ըլլամ : Գալով ինծի առաջարկած իշխանուհիներուդ՝ կարգուիլ տակաւին միտքէս անցած չէ, այլ կրնաս հաւատալ թէ ձեր կամքին միշտ հպատակ՝ պիտի հնա-

զանդիմ ձեզ՝ որչափ ալ ծանր գայ ինձ այդ բանը :

— Ո՛հ, զաւակս, կրկնեց թագուհին, չկայ զոհողութիւն որ չընենք կեանքդ ազատելու համար, այլ սիրելի զաւակս, գուն ալ իմ կեանքս ու թագաւոր հօրդ կեանքը ազատէ՛, յայնանելով սրտիդ փափաքը, և վստահ ու ապահով եղի՛ր որ պիտի կատարուի իսկոյն :

— Ե՛հ, ուրեմն, մայրիկ, որովհետեւ պէտք կ'ըլլայ յայտնել միտքս՝ կը հնազանդիմ ձեզի . իմ կողմէս մահացու աններելի մեղք մը պիտի ըլլար սիրական հօրս ու մօրս կեանքը վտանգի մէջ դնել : Այո՛, մայրիկ, ազարակը իշու Մորթ անունով աղջիկ մը կայ, կը փափաքիմ որ այդ աղջիկը իր ձեռքովը կարկանդակ մը շինէ՛ ու շինելուն պէս՝ ինծի բերուի :

Թագուհին այդ արտառոց անունին վրայ զարմացած հարցուց թէ ո՞վ կրնար ըլլալ այդ իշու Մորթը : « Իշու Մորթը, վեհափառ գըշխոյ, ըսաւ իր պաշտօնակալներէ մէկը՝ որ օր մը պատահմամբ տեսած էր զայն, գարշելի դէմքով աղջիկ մ'է՝ սեւ կեղտոտ կաշիով՝ որ ձեր ազարակը կը բնակի ու հնդկահաւերու հոգն ունի :

— Փոյթ չէ, ըսաւ թագուհին, տղաս որսէ դառնալուն՝ անոր շինած կարկանդակէն ճաշակած պիտի ըլլայ . հիւանդի քմահաճոյք մ'է աս . մէկ խօսքով կ'ուղեմ որ իշու Մորթը (որովհետեւ իշու Մորթ անունով աղջիկ մը կայ) զաւկիս փափաքած կարկանդակը շինէ շուտով :

Ազարակ վազեցին, ու իշու Մորթը բերել
տալով հրամայեցին որ իր ձեռքով կարկան-
դակ մը շինէ իշխանին համար :

Քանի մը հեղինակներ կը հաստատեն թէ
իշու Մորթը՝ այն պահուն որ արքայազուն
իշխանը աչքը կղպակին դրած էր՝ իր աչքերն
ալ արքայազունը տեսեր էին, և թէ՝ իր պըգ-
տիկ պատուհանէն նայելով այն ծաղկահասակ,
զեղադէմ ու բարեձեւ իշխանը տեսած ու
միտքը պահած էր զայն, ու շատ անգամ այդ
յիշատակով հառաջանքներ իսկ հաներ էր :

Բանն ինչպէս ալ ըլլայ՝ իշու Մորթը զայն
տեսած՝ կամ անոր մասին տրուած գովեստները
լսած ըլլալով՝ խիստ ուրախ որ անորմէ ճանչ-
ցուելու միջոց մը գտեր էր, փակուեցաւ սեն-
եակին մէջ, իր անշահ մորթը մէկ կողմ նե-
տեշ, երեսն ու ձեռքերը լուաց մաքրեց, իր
դեղձան վարսերը շոկեց, փալփլուն արծաթէ
սեղմիրան մը ու շրջազգեստ մը անցուց վրան,
և սկսաւ ապսպրուած կարկանդակը շինել ամե-
նամաքուր ալիւրով, ամենաթարմ կարագով
ու հաւկիթներով :

Պատրաստած միջոցին, ըսէ՛ դիտմամբ կամ
ուրիշ կերպով՝ մատը գտնուած մատնին խմո-
րին մէջ իյնալով՝ մէջը խառնուեցաւ, ու կար-
կանդակը եփուելուն՝ իր զարշելի մորթը վրան
անցընելով տուաւ զայն պաշտօնակալին, ու
իշխանազունին վրայ լուր հարցուց, բայց
պաշտօնակալը պատասխան իսկ տալու շբարե-

հաճելով, պալատ զրկեց՝ կարկանդակը իշխա-
նին մատուցանելու :

Իշխանը այդ մարդուն ձեռքէն անյագա-
բար առնելով՝ այնպիսի աշխոյժով կերաւ լա-
փեց՝ որ բժիշկները որ նոն ներկայ կը գըտ-
նուէին, ըսին թէ այդ կացութիւնը լաւ նշան
չէր. իրօք ալ կարկանդակին մէկ կտորին մէջ
գտնուած մատնիէն՝ իշխանը քիչ մնաց որ
խղդուէր, բայց ճարպիկութեամբ մը զայն
հանեց բերնէն, ոսկի օղակի մը վրայ ագուց-
ուած այն ազնիւ զմըուխտը դիտած ժամա-
նակը՝ կարկանդակը լափելու բուռն տենչը
մարեցաւ, և այնքան նեղ էր այդ օղակին
շրջանակը՝ որ աշխարհի ամէնէն սիրուն պըգ-
տիկ մատին հազիւ կրնար յարմարիլ :

Այդ մատնին հազար անգամ համբուրելէ
ետք՝ գլխու բարձին տակ դրաւ ու մինակ
մնացած ատենը ամէն անգամ զուրս կը հա-
նէր զայն, ու միտքը մեծ մտածումներու մէջ
կ'իյնար թէ ինչպէս պիտի կրնար տեսնել
այն օրիորդը՝ որու մատին պիտի յարմարէր
այդ մատնին. չէր համարձակեր հաւատալ որ
եթէ այդ կարկանդակը պատրաստող իշու
Մորթը տեսնելու փափաք յայտնէր՝ զայն
պիտի բերէին իր առջեւ. նոյնպէս չէր հա-
մարձակեր կղպակէն տեսածը խօսելու, փախ-
նալով որ պիտի ծաղրէին ու ցնորամիտի մը
տեղ պիտի դնէին զինք. բոլոր այս մտա-
ծումներու մէջ տարուրեր՝ տենդը վրան եկաւ
նորէն սաստկապէս, ու բժիշկներն ա՛լ ի՞նչ

ընելնին չգիտնալով՝ յայտնեցին թագուհւոյն թէ իր զաւկին հիւանդութիւնը սիրահարութենէ յառաջ կուգար :

Թագուհին թագաւորին հետ վազեց իր որդւոյն քով . « Զաւակս , սիրելի զաւակս , պուաց վշտահար արքան , ուզած աղջկանդ անունը տուր միայն , ես ու մայրիկդ երդում կընենք որ զայն պիտի տանք քեզի՝ տմենէն անարդ գերուհին իսկ ըլլայ : « Թագուհին՝ զըրկելով իր որդին՝ թագաւորին երդումը հաստատեց : » Իշխանը իր ծնողաց արցունքներէն ու փայփայանքներէն սիրտը շարժած . « Մայրիկ , մայրիկ , ըսաւ , ես՝ ձեզ անհաճոյ ըլլալիք ամուսնութիւն մը կնքելու միտք չունիմ ամենեւին ու իբր ապացոյց այս ճշմարտութեան՝ ըսաւ զմրուխտը բարձին տակէն հանելով , կը յայտարարեմ թէ պիտի ամուսնամ այն աղջկան հետ՝ ով որ ալ ըլլայ՝ որուն մատին յարմար պիտի գայ այդ թանկագին մատնին և յայտնի է թէ այդ պղտիկ սիրուն մատը ունեցող աղջիկը , գեղջուկ մը՝ շինական մը չի կրնար ըլլալ : »

Թագաւորն ու թագուհին ձեռքերնին առին մատնին , զննեցին հետաքրքրութեամբ և իրենց իշխանազուն որդւոյն նման այն գաղափարն ունեցան որ այդ մատնին քաջատոհմ օրիորդի մը մատին կրնար յարմարիլ միայն :

Այն ատեն թագաւորը իր որդին զրկելով և աղաչելով որ ինքզինք լաւ նայի առողջանալու համար , բոլոր քաղաքը թմբուկներ ,

փողեր , զլակներ , (ֆիք) հնչել տալով . մունետիկներու միջոցաւ յայտարարել տուաւ թէ ո՛վ որ կ'ուզէ , ազատօրէն թող պալատ գայ մատնի մը փորձելու համար . այն օրիորդը որուն մատին յարմար պիտի գայ այս մատնին՝ պիտի ամուսնայ գահաժառանդ իշխանին հետ :

Նախ իշխանուհիները եկան յետոյ գքսուհիները , մարքիզուհիները և պաունուհիները , բայց որքան որ աշխատեցան մատերնին բարակցնելու՝ պարապը գնաց , ոչ մէկը կրցաւ այդ մատնին իր մատն անցընել : Անոնցմէ ետք հարկ եղաւ բանուորուհի դասն ընդունիլ , ասոնց մէջ թէպէտ շատ գեղեցիկներ կային՝ բայց անոնց ամէնուն ալ մատերը հաստցած ըլլալով՝ ուլր պիտի կրնային նոյն պղտիկ մատնին իրենց մատն անցնել : Իշխանազունը , ապաքինամ՝ ինք անձամբ կ'ընէր փորձը : Վերջապէս կարգը եկալ՝ սենեկապանուհիներուն , անոնք ալ չյաջողեցան : Քաղաքին մէջ մատնին փորձող աղջիկ մնացած չէր , ոչ մէկը յաջողութիւն կ'ունենար : Իշխանազունը ուղեց որ խոհակերուհիները , խոհանոցի սպասուհիներն , ոչխարի հովուուհիները գան փորձի . ամէնքն ալ բերուեցան իր առջեւ , բայց անոնցմէ ոչ մէկուն կարմիր ու կարճուկ խոշոր մատերը եղունքէ անդին կրցան անցնիլ :

Իշու Մորթը բերել տուի՞ք , այն որ անցեալ օր ինծի կարկանդակ մը պատրաստեց՝ ըսաւ իշխանը :

Ամէնքը սկսան խնդալ . ըսին որ այնչափ
աղտոտ , զզուելի աղջիկ մ'էր՝ որ չէին համար-
ձակած իր առջեւ բերել զայն :

«Թող երթան բերեն այդ աղջիկը , ըսաւ
թագաւորը . չըսուի թէ ո՛ր և է մէկը դուրս
ձգած եմ : »

Խնդալով , ծաղրելով զացին հնդկահաւ
արածող աղջիկը բերելու՝ որ փողերու ու մու-
նետիկներու ձայներ լսելով՝ այս աղմուկին
պատճառը իր մատնին ըլլալը գուշակած էր .
ինքը սէր կապէր էր իշխանին , և որովհետեւ
ճշմարիտ սէրը վեհերոտ կ'ըլլայ ու սնապար-
ծութենէ զերծ՝ վախի մէջ էր որ չըլլայ թէ
ուրիշ աղջկան մը մատը իրենին չափ նուրբ
ըլլայ . ուստի երբ տեսաւ որ եկեր են զինքը
առնելու ու դուռը կը զարնեն , խիստ մեծ
ուրախութիւն մը զգաց : Այն վայրկեանէն ուր
իմացեր էր թէ իր մատին յարմար եկող
մատ մը կը փնտուի՝ չգիտեմ ի՞նչ յոյս մը
զինք կը մղէր աւելի խնամով մազերը շտկե-
լու , արծաթեայ գեղեղիկ սեղմիրանը դնելու ,
համտակներով (falbalos) , արծաթեայ ժանեակ-
ներով զարդարուն շրջազգեստին հետ՝ որուն
վրայ գմրուխտներ պահուած էին : Զինք իշ-
խանին քով հրաւիրելու համար դրան զար-
նութիւ լսելուն պէս՝ իշու կաշին վրան անցը-
նելով դուռը բացաւ :

Եկողները ծաղրելով ըսին թէ թագաւորը
զինքը կ'ուզէր որպէս զի իր արքայազուն զաւ-
կին հետ ամուսնացնէ ու քահքահներով տա-

րին արքայազունին քով՝ որ աղջկան վրան
զլուխը տեսնելով ինքն ալ զարմացաւ , չկրցաւ
հաւատալ թէ իր տեսած շքեղազգեստ զեղեցիկ
աղջիկն ըլլար :

Տիուր ու այնքան կոպիտ կերպով սխա-
լելուն ինքն ալ ամօթով՝ «Դուն ես , օրիորդ ,
ըսաւ , որ ազարակի երրորդ վայրազաւիթին
մէջ այն մթագին առուղծին խորը կը բնակիս :

— Այո , տէր իմ , ես եմ , պատասխանեց :

— Տուր նայիմ մատդ , ըսաւ իշխանը . դողա-
լով ու խորունկ հառաջանք մը հանելով . . .

— Է՞ն , ո՞վ եղաւ զարմանքի մէջ իյնողը .

— Ո՞վ պիտի ըլլայ , թագաւորը , թագուհին ,
ինչպէս նաեւ արքունի աւագանին ու սենե-
կապետները՝ երբ այդ սեւ կեղտոտ մորթին տա-
կէն փափուկ , սպիտակ ու վարդադոյն պղտիկ
ձեռք մը ելաւ , ու մատնին ձիշդ ու ձիշդ յար-
մարեցաւ աշխարհի ամենէն պղտիկ սիրուն մա-
տին : Միեւնոյն ժամանակ արքայազուն բամբիշը
պղտիկ շարժում մը ընելով՝ իշու մորթը ին-
կաւ վրայէն , և այնպիսի հիանալի զեղեցկու-
թեամբ մը երեցաւ՝ որ իշխանազունը՝ թէեւ
տկար տակաւին՝ զնաց փաթթուեցաւ անոր
այնպիսի խանդով մը՝ որ աշցուց զայն , բայց
այս բանս անշմար անցաւ , վասն զի թագա-
ւորն ու թագուհին եկան սերտիւ գրկեցին
զայն՝ հարցնելով թէ ունէ՞ր յօժարութիւն
իրենց զաւկին հետ ամուսնանալու : Իշխա-
նուհին՝ երիտասարդ զեղաղէմ արքայազունին
ցոյց տուած սէրէն ու շոայլած զգուանքնե-

րէն ամօթահար երեւցած ըլլալով մէկտեղ անոնց իր շնորհակալիքը պիտի յայտնէր՝ երբ սեղանը բացուելով՝ եղբեւանիներու պարիկը նոյնանուն ոստերէ ու ծաղիկներէ կազմուած կառքի մը մէջ բազմած վար իջնալով յանկարծ սիրուն կերպով մը պատմեց ծաղկատի բամբիշին պատմութիւնը :

Թագաւորն ու թագուհին խիստ ուրախ որ իշու Մորթը մեծ իշխանուհի մ'է եղեր՝ իրենց զգուանքը կրկնապատկեցին, բայց իշխանը ա'լ աւելի սիրուհին առաքինութենէն ազդուեցաւ, ու անով ա'լ աւելի սաստկացաւ իր արդէն մեծ սէրր :

Իշխանուհիին հետ ամուսնալու համար ա'յնքան մեծ էր իշխանին անհամբերութիւնը որ հազիւ թէ ժամանակ տուաւ այս վեհաշուք հարսանիքին համար պատշաճ եղած պատրաստութիւնները տեսնելու : Թագաւորն ու թագուհին՝ որոնք կը խենթենային իրենց հարսին վրայ՝ բիւր զգուանքներ կը շույլէին միշտ զինքը թեւերնուն մէջ զրկած : Իշխանուհին յայտարարած ըլլալով թէ առանց իր թագաւոր հօրը հրամանին՝ չէր կը նար պսակուիլ իշխանին հետ՝ ամենէն առաջ անո՛ր եղաւ հրաւէրը՝ առանց հարսին ո՞վ ըլլալն յայտնելու : Եղբեւանիներու պարիկը՝ որ ամէն բանի գլուխ կեցած էր, ինչպէս իրաւունք էր — այդպէս պահանջած էր, հետեւանքները նկատի ունենալով :

Ամէն երկիրներէ թագաւորներ եկած, ոմանք պատգարակով, ոմանք կառքով . աւելի

հեռաւոր տեղերէ եկող թագաւորներ, փիղեր, վագրեր, արծիւներ հեծած . բայց անոնց մէջէն ամենէն փառաւորն ու ճոխը իշխանուհիին հայրն էր՝ որ բարեբախտաբար իր անվայել սէրը մոռցտծ՝ խիստ գեղեցիկ այրի թագուհիի մը հետ ամուսնացեր էր՝ — որմէ զաւակ չէր ունեցած : Իշխանուհին հօրը առջեւ վազեց՝ որ իսկոյն ճանչնալով զայն՝ առանց ժամանակ ձգելու որ իր ոտքն իյնայ՝ մեծ գործվով մը համբուրեց իր աղջիկը :

Թագաւորն ու թագուհին իրենց որդին ներկայացուցին՝ որուն շատ մը սիրալիր մեծարանքներ ըրաւ : — Ամենամեծ շքեղութեամբ կատարուեցաւ հարսնիքը, թէպէտ նորապսակ ամոլը՝ այս փառաւորութեանց անտարբեր՝ ինքինքնին միայն կը տեսնէին, ինքինքնին միայն կը դիտէին : Իշխանին հայրը՝ թագաւորն՝ այդ միեւնոյն օրը արքայական թագը զաւկին գլուխը դրաւ, ու ձեռքերը համբուրելով գահին վրայ բազմեցուց . — բարի ծնունդ տուան թէպէտ շատ դէմ դրաւ, բայց հարկ եղաւ հնազանդիլ :

Այս մեծաշուք հարսնիքի խրախճանութիւնը երեք ամիսի չափ տեւեց . այս հարսուփեսային իրաւու վրայ ունեցած սէրը ա'յնքան մեծ էր՝ որ պիտի տեւէր տակաւին եթէ չմեռնէին հարիւր տարի ետք :



ԲԱՐՈՅԱԿԱՆ

Խոռու - մորքի պատմութեան
Հաւատալ չէ դիւրին բան.
Այլ բանի որ երկրի վրայ
Գտնուի մամ, մայր, տղայ՝
Զալիսի բնաւ մոռցուի,
Միւս յիշատակը պահուի :



ՑԱՆԿ

Կարմիր Պատիկ Գլխանոցը	5
Պարիկներ :	9
Կապոյս - Մօրուք	19
Անտառի մեջ ննջող գեղուհին	23
Կուկաւոր Ժիսիկը	39
Մոխրուհի կամ ապակեայ պատիկ հողաբափը	46
Խրձաւոր Ռիբէ	57
Պատիկ Բրուկը	69
Խոռու մորքը	86



500

Տպագրութիւն ԱՐԵՒ

Թիւ 73, Կ. Պոլիս, Պապը Ալի ճատեկափ, Թիւ 73

ՍՈՒՐԲ ՆԵՐՍԵՍ ՇՆՈՐՀԱԼԻ
ԳՐԱԴԱՐԱՆ

ST. NERSES SHNORHALI
LIBRARY
ARMENIAN PRELACY

Հայաստանի Ազգային գրադարան



N10446222

188

